

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>





## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

NATIONALBIBLIOTHEK  
IN WIEN

177172-A

ALT-

183. G 16.





LES  
**IOYE VSE TE Z**

**Faceties**

**Et Folastres Imaginations**

DE

**Caresme Prenant, Gauthier Garguille, Guillot Goriu,  
Roger Bontemps, Turlupin, Tabarin, Arlequin,  
Moulinet, etc.**

**Se vend**

**CHEZ TECHENER, LIBRAIRE,**

**Tenant sa Boutique**

**PLACE DU LOUVRE, N° 12.**



**MDCCCXXXI.**

QUATRE-VINGT-SIX EXEMPLAIRES.

---

N<sup>o</sup> 64.

---

M.

---



TYP. DE PINARD, RUE D'ANIOV-DAUPHINE, 8.



LES

# Adeuineaux

Amoureux.



Par

Colard Mançion.

177172 A





# PRÉLIMINAIRE

En Actions de Grâce.



*Les Bibliographes ne signalent que trois éditions de ce Livre, et toutes trois de la plus grande rareté. Deux sont imprimées à Bruges, par Colard Mansion, vers la fin du quinzième siècle, petit in-folio à deux colonnes, et contenant, l'une vingt-six, et*

*l'autre vingt-sept feuillets. Ces deux éditions sont en lettres de somme. La troisième est en bâtarde, à longues lignes, de trente-trois sur la page, et probablement imprimée à Lyon : le format est in-quarto. Dans cette édition, l'ouvrage a déjà subi plusieurs changemens qui nuisent à sa naïveté primitive.*

*Les deux éditions princeps sont plus que rares, puisqu'on n'en connoît qu'un exemplaire. C'est une de ces curiosités que les Bibliomanes laissent entrevoir aux amateurs, et ne leur communiquent jamais sans prendre un accès de fièvre. Combien de fois j'ai été témoin de vos angoisses, ô mes illustres amis Nodier, de Ganay, de Solène, Walkenaer, et vous aussi honnête et savant Boulard, lorsque, pressant dans mes mains*

*tremblantes de joie, un des diamants de votre trésor, après de longues hésitations, bravant enfin vos regards effarés, j'osois prononcer d'une voix émue ces terribles paroles : « Oh de grâce ! pour huit jours seulement ! »*

*Par un coup du sort, ces deux exemplaires uniques que nous venons de signaler se trouvent entre les mains d'un de ces hommes rares qui mettent toujours l'intérêt de la science avant les sollicitudes de leur passion. Nommer Monsieur Van-Praët, c'est réveiller la reconnaissance de tous les lecteurs de l'Europe. Et quant à moi, que vous dirai-je ? J'ai emporté ses deux volumes, je les ai placés sur mes tablettes : ils étoient là comme ma propriété. On venait me trouver pour les voir, on me sollicitoit pour les toucher. Les*



*amateurs les admiroient, les caressaient, les envioient; tout cela pendant une année! pendant une longue année! sans que jamais, (pesez bien ces paroles!) sans que jamais leur véritable possesseur ait songé à troubler ma jouissance. Enfin la raison parle, il faut se séparer, mes bons, mes chers ADEVINEAUX, vous allez retourner auprès de votre digne maître! Vos robes rouges, vos têtes et vos flancs dorés flatteront ses regards, attireront ses mains; il vous interrogera à son tour, et Dieu sait quelle gaieté naïve vous allez lui inspirer. Ces questions si étonnantes et si bien résolues; ces images libres et facétieuses qui se terminent par une surprise; ces quolibets, ces bons mots, ce gros sel, qui faisoient pâmer de rire nos bons aïeux, il y a bientôt quatre cents ans, et qui nous réjouis-*

*sent encore, nous autres lecteurs lamentables  
du dix-neuvième siècle, vont déridier le front  
du savant Bibliothécaire; il vous mettra  
dans sa bonne tête à côté de soixante mille  
dates, et vous serez chargés de réjouir tout  
cela, jusqu'à ce qu'un nouvel emprunteur,  
sans pitié comme moi, vienne interrompre  
encore de si joyeux entretiens.*

NE SO MARY

EN TOVT

MAL N'Y A.

Y.












Lcs

## **P** Adeuineaux Amoureux.

POUR par cheualiers et escuiers  
entretiendres dames et damoiselles en gra-  
cieuses demandes et responses et pour  
ioyeusement deuiser et passer le temps  
ensemble affin aussi deuiser oyseuse mere  
et nourrice de tous vices : lay tissu vn  
petit liuret ou quel lay entrechangie plu-  
sieurs honnestes demandes et responses  
que fist nagaires vne damoiselle a vn gentil  
cheualier sage et courtois touchant le fait  
et mestier damours qui nest pas pou de  
chose a mener et conduire comme au-  
tresfois lay esprouue et comme le font de  
present plusieurs qui par auenture se  
cestui liuret auoient veu ilz en seroient  
plus et mieulx vsitez enuers les dames a

respondre et aussi a demander choses honnestes et affreans a tout honneur. Et pareillement le cheualier a son tour demande a la damoiselle plusieurs demandes touchant le fait des dames auxquelles la damoiselle respond moult sagement et prudemment comme il apperra ou proces de ce petit volume. Et pour ce que en commun prouerbe se dit que en moult de parolles ne deffault vice et aussy que esdittes demandes et responses y seront mises plusieurs dictions et mos qui sembleront deshonestes a aucunes par quoy ilz parauenture voudront blamer cest euure : Je leur prie quilz aient regard au premier impositeur diceulx lequel nen eust aucune honte de les ainsy nommer. Et aussy que toutes choses qui sont escriptes sont a nostre instruction et doctrine escriptes comme nous tesmoigne lappostre. Pourquoi ie supplie a tous les liseurs de ceste euure / et speciale-

ment aux dames que desplaire ne leur  
vueille. Et saucune chose y a qui leur  
semble deshonneste et vergoingneuse :  
Tournent le fueillet en conuertissant leur  
maltalent en risee ioyeuse delaissant cest  
article a vne autre qui par aventure comme  
bonne galoise le mettra en euure et en  
fera son prouffit. Or mesoit doncques par-  
donne car ceste hardiesse ma mis en cor-  
rage le noble et gentil cheualier seigneur  
de la Marche que Dieu gard / et aincoires  
pour augmenter cedit traittie si ma de sa  
grace donne aucunes demandes et res-  
ponses moult honnestes dont ie len re-  
mercie.



## Honneur aux Dames.

*La Damoiselle demande.*

¶ Sire cheualier puis que temps et loisir auons de deuiser affin aussi pour mieulx et plus sagement gouuerner et conduire ma gentillesse en honneur / ie vous supplie et requiers que me dites tout premierement qui est la cause pourquoy on aime.

*Le Cheualier.*

¶ Damoiselle moult grand chose me demandez mais a vostre correction et des plus sages et experimentez ie treuve quilz sont quatre manieres de desirs desquelz les poursuiuans amour vsent diuersement.

Le premier des desirs est de grant pris /  
 car on aime vne dame ou damoiselle  
 pour d'elle aprendre et mieulx valoir et  
 pour le tresgrant bien et honneur qui est  
 en elle et par ce acquerre honneur et pris.  
 Le second desir qui est honneste est que  
 on aime samie ou la damoiselle son amy  
 pour auoir amariage qui est saint estat.  
 Le tiers qui est lait et deshonneste est  
 quant aucun ayme pour attraire prouffit  
 et gaing de sa partie. Et le quart qui est  
 naturel est quant on aime sa partie pour  
 ioyr a sa volente et plaisance.

*La Damoiselle.*

¶ Sire cheualier lequel de ces desirs est le  
 plus honneste et vault le mieulx.

*Le Cheualier.*

¶ Damoiselle le premier vault trop mieulx  
 des autres car toutes manieres de gens  
 peuvent amer par cellui desir sans en au-  
 cune maniere meffaire.

*La Damoiselle.*

¶ Sire cheualier ie vous demande en fleur de gentillesse lequel vous ameriez le mieulx ou a ioyr de voz amours sans desirer / ou a desirer sans ioyr.

*Le Cheualier.*

¶ Damoiselle a les desirer sans en ioyr : car nul ne puet sauoir la grande vertu qui est en amours sil na auant eu et sentu laguillon de loyal desir.

*La Damoiselle.*

¶ Sire cheualier aincoires vous demande lequel vous aimeriez mieulx ou a faillir a lamour de vostre amie pour doubte que on ne sen apperceust et par auenture quelle en peust estre blamee ou a en ioyr par tel si quelle en demourast en celle auenture.

*Le Cheualier.*

¶ Damoiselle trop mieulx aimeroie a faillir de la ioysance de son amour. Car ie ne puis ne ne doy estre auanchie la ou



madame en amours fust en riens amoindrie de son honneur.

*La Damoiselle.*

¶ Sage cheualier or me dittes lesquelles deux choses sont qui plus nuisent et font de mal en amours aux vrays et loyaux amans.

*Le Cheualier.*

¶ Damoiselle a mon auis ce sont desir et paour : car desir esment tousiours lamant a requerir sa dame de merci. Et la paour quil a destre escondis lesbahist telement quil nose ne scet parler a elle quant il si treuve.

*La Damoiselle.*

¶ Sire cheualier ie vous demande par contraire : Qui sont les deulx choses qui plus de biens font en amours aux vrays amans.

*Le Cheualier.*

¶ Certainement damoiselle ce sont souuenir et esperance : car le souuenir lui

met audeuant la grande beaute et les grans biens quil a veus et trouuez en sa dame. Et esperance lui promet quelle aura de lui merci.

*La Damoiselle.*

¶ Aincoires vous demande sire cheualier que me dittes qui sont les trois choses qui plus font durer amours entre amant et amie.

*Le Cheualier.*

¶ Damoiselle ie croy que ce sont sens loyaute et bien celer. Car sens aprent a bien et honneur sauoir. Loyaute lui fait loyaument perseuerer. Et bien celer tient les vrais amans soubz lui pour estre plus secrez.

*La Damoiselle.*

¶ Sire cheualier dittes moy en riant dont ialousie puet venir aux vrais amans.

*Le Cheualier.*

¶ Le cuide damoiselle quelle leur viengne de tresloyaument et de tresardamment

amer. Car pou ou nul puet amer sans estre ialoux ou ialouse.

*La Damoiselle.*

¶ Et ceste ialousie dont nous parlons sire cheualier : puet elle faire aucun bien en amours.

*Le Cheualier.*

¶ Certes damoiselle oyl entant que les amans en deuiennent plus secrez et mieulx celans et mettent peine a eulx sagement garder de faire chose qui deplaise a celui ou a celle que on aime / et ainsi en ceste chose est ialousie bonne et non autrement.

*La Damoiselle.*

¶ Sire cheualier, ie vous demande se vous amiez vne damoiselle laquelle demourast en aucune loingtaine contree / et vous alaissiez en par dela lequel ameriez vous mieulx ou que vous la trouueissiez mariee a aucun / ou quelle fust de ce monde trespassee.

*Le Cheualier.*

¶ Trop mieulx lameroie trouuer trespassee de ce monde. Car combien que moult de paines et de melancolies en eusse a loublier aumoins ie nen verroye point ioyr vn autre laquelle chose se mariee estoit force me seroit veoir et souffrir qui aincoires pis me feroit.

*La Damoiselle.*

¶ Sire cheualier ie vous demande en quel temps les amans prennent plusgrant delit ou en recordant en eulx la beaute sens et honneur quilz ont veu en leurs dames ou quant ils les voient presentement.

*Le Cheualier.*

¶ Damoiselle ie croy que cest en recordant les graces et vertus de leurs dames. Car quant lamant voit sa dame en amours il est si souspris et si ravis de son amour et beaute que en sa pensee na nul arrest mais apres quant il est absent et il pense et remire en soy la grande beaute et les

vertus delle et lonneur dont elle estaornee  
il rechoit vne leessee et plaisance en son  
cuer que ce lui est vne seconde gloire et  
nest homme qui le peust penser se es-  
prouue ne la.

*La Damoiselle.*

¶ Sire cheualier aincoires vous demande  
se vous auiez vn vostre bien ame compai-  
gnon lequel sceust tous vos secrez et vous  
pareillement les siens et entre vous deulx  
amissiez une damoiselle lequel ameriez  
vous mieulx sil conuenoit quil fust ou que  
vous prensissiez samie a femme en ma-  
riage ou quil pensist la vostre.

*Le Cheualier.*

¶ Damoiselle trop mieulx ameroie qu'il  
preist la mienne. Car se ie preudoie samie  
ie lui feroie desloyaute qui me tourneroit  
en vice et a vilonnie laquele iayme mieulx  
quil le me face que moy a lui combien  
quil men deplairoit moult et me tourne-  
roit a grant tourment de le souffrir.

*La Damoiselle.*

¶ Sire cheualier ilz sont deux hommes qui tous deux aiment vne damoiselle dont chascun deux cuide estre le mieulx ame. Or auient que eulx deux sont vn iour a vne danse et la damoiselle ou milieu laquelle porte sur son chief vn chapel de roses et lun des compaignons aussi en porte vn autre. La damoiselle bien aprise prent le sien de dessus son chef et le met sur le chief de cellui qui point nen a. Et tantost prent lautre chapel de dessus le chief de cellui qui apporte lauoit a la feste et le met sur son chief. Or vous demande auquel la damoiselle monstre le plusgrant signe damour.

*Le Cheualier.*

¶ Damoiselle elle monstre plusgrant signe damour a cellui duquel elle prent le chapel de dessus son chef. Car le prendre monstre signe de fiance et damours : et le donner est vne courtoisie que toutes da-

mes peuvent faire sauue leur honneur.

*La Damoiselle.*

¶ Sire cheualier ilz sont deux hommes qui tous deux aiment vne damoiselle / et chascun deux lui requiert auoir guerredon de son service. La damoiselle vueilant vser de courtoisie ottroye a lun quil prengne d'elle vn seul baisier / et de lautre elle sueffre quil laccole tant seulement. Or vous demande auquel elle monstre plusgrant signe d'amour.

*Le Cheualier.*

¶ Damoiselle sachiez que cest a cellui auquel elle ottroye le baisier : car cent mille accolers natainderoient pas a vn baisier ottroie dune dame en amours.

*La Damoiselle.*

¶ Sire cheualier aincoires vous demande en toute honnestete que me dittes se vous auiez vne dame en amours et vous lui requeriez de son amour tant que par sa debonnairete elle le vous ottroyast par tel

conuenant que iamais plus ne lui demanderiez aucune chose / se vous accepteriez cestui marchie ou non.

*Le Cheualier.*

¶ Certes damoiselle nennil. Car ce ne puet estre que en parfaicte amour ait fin ne contredit daucunes chose que lun amant puist faire a lautre sauue son honneur.

*La Damoiselle.*

¶ Sire cheualier ie vous demande aincoires une ioyeuse demande et question. Assauoir se vous estiez avec vostre dame damours en lieu secret du quel vous voz tendriez plus greue / ou selle vous disoit quelle eust le coeur dolent de ce que trop vous aimast : ou se elle regrettoit vn autre quelle eust ame auant vous.

*Le Cheualier.*

¶ Damoiselle trop mieulx ameroye le premier que le second. Car de ce quelle re-



gretteroit lamour dun autre ce me seroit trop grieue chose a oyr.

*La Damoiselle.*

¶ Sire cheualier ie vous demande que me dites se vous le sauez auquel des deux grieue plus ialousie ou a lomme ou a la femme.

*Le Cheualier.*

¶ Certainement dame ie croy que ialousie grieue plus a la femme que a lomme et la raison si est pour ce que lomme est franc et si a puissance et seignourie sur femme pour la corriger et maistroier laquele chose na pas la femme par dessus lomme et si puet homme aler franchement par tout ou il lui plaist que ne puet la femme pourquoy ie croy que ialousie lui grieue plus que a lomme qui est seigneur et maistre par dessus elle.

*La Damoiselle.*

¶ Sire cheualier dittes moy par courtoisie se vous amiez vne dame ou damoiselle

que de vray vous sceussiez quelle ne vous amast point ne nauriez espoir de iamais d'elle estre ame et vous eussiez vn vostre compaignon et bon amy : voudriez vous quil laimast et que d'elle fust ame.

*Le Cheualier.*

¶ Certes damoiselle point ne vouldroie quelle lamast. Car iamais mon coeur ne se pourroit a ce consentir que ie veisse vn autre ioyr de lamour de madame et ie en fusse mendiant.

*La Damoiselle.*

¶ Sire cheualier vne ioyeuse demande vous vueil demander. Se vous amissiez vne dame de fine amour le quel ameriez vous le mieulx a auoir d'elle tous vos vo-loirs et plaisirs par tel si que iamais ne la veissiez ne parlissiez a elle / ou que la peussiez voir et a elle parler sans la ia-mais touchier.

*Le Cheualier.*

¶ Damoiselle trop mieulx ameroie a la

veoir et parler a elle sans la touchier.  
Car trop seroit chose brutale et grieve a  
vn homme de estre en la compaignie de  
sa dame sans la iamais veoir ne pouoir  
parler ne deuiser a elle.

*La Damoiselle.*

¶ Sire cheualier pour mieulx sauoir vos-  
tre corrage ie vous demande que respon-  
dez a vne question assauoir se toutes gra-  
ces estoient a vous a donner qui sont en  
amours et peussiez donner a nullui que  
lune tant seulement laquelle donneriez  
vous a vostre dame en amours.

*Le Cheualier.*

¶ Dame ie lui donneroie loyaute car  
entre toutes les vertus cest la plus souue-  
raine en amours.

*La Damoiselle.*

¶ Sire cheualier ilz sont deux gentilz  
hommes qui aiment vne damoiselle. Des-  
quelz lun lui requiert de son amour tou-  
tes les fois quil puet venir en place ou

il puet trouuer la damoiselle / mais en elle ne puet trouuer aucun merci car elle ne laime point. Et lautre escuier ne lose requerre de son amour et si perchoit tresbien au semblant d'elle quelle laime tresloyaument. Or ie vous demande lequel deux vit en plusgrant anoy de cuer et en plusgrant merancolie.

*Le Cheualier.*

¶ Dame ie vous respons que ce doit estre cellui qui est escondis de samie. Car estre escondi de sa dame est la plusgrande angoisse que amans puissent receuoir en amours.

*La Damoiselle.*

¶ Sire cheualier aincoires vueil de vous sauoir vne gracieuse response. Ilz sont deux ou trois escuiers qui tous aiment vne damoiselle et bien sceuent tous lun de lautre et tant que tous dun accord ilz vont parler a elle pour d'elle sauoir auquel deux trois elle seouldroit tenir

par tel si quilz laisseront cellui quelle choisira en possession de lamour delle. La damoiselle subtile et bien aprise oye la requeste des trois escuiers saprocha de lun deux et lestraingny par le doy. Au second marcha sur le pied. Et au tiers gingna de lueil. Or vous demande auquel elle donne plusgrant signe damour.

*Le Cheualier.*

¶ Damoiselle cellui a qui elle gingne / car lueil cest le messagier du cuer et non le doy ne le pied.

*La Damoiselle.*

¶ Sire cheualier pour rire ie vous demande. S'il auenoit que vous amissiez dame ou damoiselle de parfaite amour. Et vous seussiez bien que vn autre lamast aussy parfaitement comme vous lequel auriez vous plus chier ou que tous deux faillissiez a lamour delle sans iamais y recouurer ou que tous deux en eussiez vostre desir et volente.

*Le Cheualier.*

¶ Certes damoiselle trop mieulx ameroie que tous deux y faillissons. Car plus tost vouldroie languir en sa merci attendant quelle fust ainsi de son honneur amoin-drie.

*La Damoiselle.*

¶ Sire cheualier ie vous demande se ainsi estoit que ne peussiez auoir lottroy de lamour de vostre dame en amours fors par trayson se vous la prendriez ou non.

*Le Cheualier.*

¶ Damoiselle oyl par tele condicion que la trayson ne fust trop ou deshonneur delle. Car cestui vice seroit en apres pardonnable.

*La Damoiselle.*

¶ Sire cheualier lequel de deux ameriez vous mieulx ou languir trois ans pour vostreamie et puis vous leussiez a femme a grande leesse / ou que prestement leussiez et puis que languissiez trois ans apres.

*Le Cheualier.*

¶ Certes damoiselle que ie languisse les trois ans premierement et puis en leesse lespousaisse. Car grant desplaisir est de commencer chose que a ioye ne se puisse acheuer.

*La Damoiselle.*

¶ Sire cheualier ie vous demande le quel vousameriez le mieulx ou a perdre amours par vostre laschete / ou a les gaignier par trayson.

*Le Cheualier.*

¶ Damoiselle a les gaignier par trayson / car qui aime loyaument ne puet faire trayson pour acquerrir lamour de sa dame pour tant que ce ne soit tel deshonneur qui lui puisse tourner en reproche.

*La Damoiselle.*

¶ Sire cheualier sil auenoit que vous retournissiez des ioustes ou tournoy ou daucun noble fait darmes dont raportissiez le pris et lonneur et vostre dame en

xxij

amour vous demandast qui auroit eu lonneur pour ce iour comment lui responderiez vous sans vous vanter.

*Le Cheualier.*

¶ Dame ie lui diroie quelle en auroit eu le pris. Car se vray amant fait aucun bien qui lui soit tourne a loenge et honneur le pris en doit estre a sa dame pour l'amour de laquele il la fait.

*La Damoiselle.*

¶ Sire cheualier volentiers sauroie de vous duquel il ya le plus ou de pensseez en amours / ou de souspirs en cuer ialoux.

*Le Cheualier.*

¶ Damoiselle sachiez que en tous deux il en ya grant plente mais ie croy quil y ait plus de pensseez en amours que en cuer ialoux.

*La Damoiselle.*

¶ Sire cheualier aincoires vous demande



quele chose appellent les amans le grant bien damours.

*Le Cheualier.*

¶ Damoiselle cest le don de merci pare de grace flouri de ioye et enlumine de play-sance.

*La Damoiselle.*

¶ Sire cheualier aincoires me plaist il sauoir de vous vne demande. Ilz sont deux damoiselles soeurs toutes dun sens et dune beaute desqueles vous amez lune parfaitement et si sauez bien que point ne vous aime. Et lautre vous aime de tout son cuer. Or est le cas tel quil leur fault passer vne riuiera. Mais la fortune est quil conuient lune delles noyer. Et en vous est de rescourre et sauuer laquele quil vous plaist. Si vous prie que me dittes laquele vous sauueriez ou celle qui vous aime ou celle qui point ne vous aime.

*Le Cheualier.*

¶ Certes damoiselle ie rescourroie celle que iameroie. Car ce seroit grande desloyaute de laisser perir ce que mon cuer ameroit dont iamais il nauroit ioye. Et combien que de present elle ne maimast point si auroie tousiours espoir que en temps auenir elle auroit de moy pitie / car espoir est ce qui soustient les amans et non autre.

*La Damoiselle.*

¶ Sire cheualier ie vous demande auquel des deux il conuient plus grant sens a lamant / ou a acquerre amours ou merci de sa dame / ou a garder amours et merci quant la dame en a fait lottroy.

*Le Cheualier.*

¶ Damoiselle a garder amours et merci quant on en a lottroy. Car trop est presenuie de dangier qui tousiours agaissent les amoureux pour les surprendre et empeschier leurs deduis et plaisances.

*La Damoiselle.*

¶ Sire cheualier ie vous demande laquelle amour est plus-durable et plus-aspre / ou celle qui se fait de regard sans parler / ou celle qui est ditte de bouche.

*Le Cheualier.*

¶ Certainement damoiselle cest celle qui se fait de regard sans parler. Car les regards amoureux sont aspres et telement penetratis quils perchent les cuers damans et damies.

*La Damoiselle.*

¶ Sire cheualier aincoires conuient que me dites vne chose pour la conclusion de mes demandes cest que me dittes lequel vous ameriez mieulx ou que vostre dame en amours fust belle par raison et sage outreement. Ou sage par raison et belle outreement.

*Le Cheualier.*

¶ Damoiselle ie vous respons que mieulx ameroie quelle fust sage outreement et

rrvj

belle raisonnablement. Car combien que  
beaute soit vne chose moult prisie et  
moult desiree en amours si le surmonte  
la vertu de sens autant que fait le soleil  
la clerte de la lune.

*La Damoiselle.*

¶ Sire cheualier aincoires vous demande  
lequel vit en plusgrant malaise ou cellui  
qui est fins ialoux de samie et si en ioyst  
ou cellui qui vit en priant merci sans nul  
ottroy damours et sans ialousie.

*Le Cheualier.*

¶ Damoiselle cellui qui est ialoux de  
samie et si en ioyst / car ialousie si est  
le plus mauuais vice et plus grief aux  
amans qui soit entre tous autres.

*La Damoiselle.*

¶ Sire cheualier affin de non plus vous  
traueillier ie metteray fin a mes deman-  
des vous remerciant de tout mon possi-  
ble de voz honnestes et gracieuses res-  
ponses par lesquelles iay entencion dorres

en auant me mieulx et plussagement conduire ens ou pelerinage damours ouquel ie suis en chemin pelerine que ie neusse sceu faire sans vostre debonnaire conseil. Et oultre plus se en moy est aucun passetemps de demandes affreans a damoiselles honnestes et dignes de responses : ie vostre humble disciple et chamberiere mesubmes et offre de mon possible sans riens vous en celler sans touteffois touchier a lonneur des dames tant soit pou.

¶ Car ie suis icy pour garder leur honneur en tant que en moy en est / et aussy sire cheualier ie vous scay si prudent et si discret que a ce ne vouldriez touchier / comme assez lay desia esprouue et congneu.

*Le Cheualier.*

¶ Damoiselle trop me donnez de voz loenges et gracieuses parolles mal en moy merites. Car chose ne vous ay apris ne

monstre que sauue vostre grace ne sceussiez ausy bien et trop mieulx que moy ains que les vous deisse. Mais ce que vous en ay respondu a este et est du tout vostre noble correction et de ce que men portez en vostre honneur moult me plaist et telement que men constraigniez estre a perpetuite vostre loyal cheualier en amours. Or damoiselle mais quil ne vous ennoye et que point ne vous donne de traueil attendu aussi que auons aincoires temps assez et lieu conuenable de deuiser en maniere de pasetemps. Et aussi que moult me peseroit le departement dentre nous ie vous requiers que me vueilliez satisfaire par voz gracieuses responses a aucunes secretes demandes appartenans aux dames et dont entre nous hommes ne pouons congnoistre se nest de par vous protestant toutesvoies que ceste chose ne fay par arrogance ou presumption ne pour autre male foy ou decepcion

fors seulement pour nous entretenir en parolles ioyeuses et honnestes. Ensuiuant celles dont mauez nagaires fait les demandes.

*La Damoiselle.*

¶ Sire cheualier trop seroie a blasmer de desdaing et dingratitude se ceste vostre requeste vous escondissoie / mais dune chose vous supplie cest que prenez en gre mon petit sens femenin et des responses que vous feray ny adiouster grant substance ains le mettes et imputez a mon tendre et ioue eage et sur ceste protestacion commencez quant il vous plaira.

*Le Cheualier.*

¶ Damoiselle doncques pour mieulx me conduire en amours sil vous plaist vous me direz lequel de deux mieulx vouldroit a dame ou damoiselle ou quelle ottroiaist son desir et amour a vn escuier de bonne condicion de qui elle seroit loyaument

xxx

amee ou quelle lescondist sans y iamais  
pouoir recouurer.

*La Damoiselle.*

¶ Sire cheualier mieulx lui vauldroit  
otroier son amour que lescondire / car  
on ne doit trop eslongier vn bon amy  
quant on la combien que nous disons  
quilz sont difficiles a trouuer.

*Le Cheualier.*

¶ Damoiselle ie vous coniure par la pois-  
sance du dieu damours que me dittes se  
oncques vous feistes la sourde oreille  
quant aucun escuier vous requeroit de  
vostre amour pour doubte que ne mes-  
prisiez en vostre response.

*La Damoiselle.*

¶ Sire cheualier espoir que oyl. Car la  
honte que iauoie et paour de non adres-  
sier a homme secret et loyal me faisoit  
loreille sourde et la bouche mue.

*Le Cheualier.*

¶ Damoiselle ie vous demande lequel



entre vous dames vous prisiez le plus ou  
homme attrempe sage et non gaires bel /  
ou cellui qui est cointes iolis enuoisiez et  
plaisans et non gaires prudent.

*La Damoiselle.*

¶ Sire cheualier trop plus est a prisier  
lescuier attrempe sage et a mesure que le  
bel non prudent. Car iamais na lieu vice  
deuant vertu.

*Le Cheualier.*

¶ Damoiselle ie vous demande laquelle  
femme aime le mieulx ou celle qui prent  
ou celle qui donne.

*La Damoiselle.*

¶ Sire cheualier ie croy que ce soit celle  
qui donne. Car nul sage escuier ne doit  
auoir fiance en amour de femme : ne par  
contraire damoiselle en amour d'homme  
qui tend a auoir prouffit de la personne  
quil aime et mesmes est un vice moult  
reprochable et deshonneste.

*Le Cheualier.*

¶ Damoiselle aincoires vueil de vous sauoir lequel vous ameriez mieulx a auoir de voz amours ou ioye et deduit qui tantost fauldroit / ou auoir bon espoir delles sans parfaitement en ioyr.

*La Damoiselle.*

¶ Sire cheualier trop mieulx ameroie auoir de mes amours bon espoir sans en parfaitement ioyr que den ioyr et tantost faillir. Car la couronne damours est de le sauoir contenir et seruir.

*Le Cheualier.*

¶ Damoiselle ie vous demande lequel de deux mieulx ameriez ou a oyr dire moult de maulx de vostre ami et vous y trouuissiez moult de biens. Ou que vous oyssiez dire moult de biens de lui et vous y trouuissiez mal.

*La Damoiselle.*

¶ Sire cheualier a ceste votre demande en est la response moult clere. Car trop

mieulx ameroie oyr dire mal de mon amy par tel si que ie y trouuasse des biens que le contraire. On dit que tout noble et vaillant cuer ne se doit arrester aux parolles volans / mais seulement a l'experience et a ce ie men tiens.

*Le Cheualier.*

¶ Damoiselle puis que en vous treuve si parfaite prudence aincoires vueil de vous sauoir se en bonne amour neut oncques fin.

*La Damoiselle.*

¶ Sire cheualier aincoires plus auant vous vueil bien dire que en bonne amour neut oncques commencement et si croy fermement que en elle iamais naura fin / ains a este et est et sera avec Dieu pardeuant tous les siecles et est de present entre Dieu et les hommes et si durera pardurablement.

*Le Cheualier.*

¶ Damoiselle pour ce que diuersement

rrriij

est entre les hommes parle damours lun en le blasmant lautre en la loant ie voudroie volontiers sauoir de vous duquel il ya plus en amours ou de bien ou de mal.

*La Damoiselle.*

¶ Sire cheualier quoy que len die damours trop plus y a de bien que de mal enuers ceulx qui sen sceuent entremetre. Car nul ne pourroit tant de mal endurer en la queste damours que vn tout seul bien ne len puisse guerdonner et enrichir.

*Le Cheualier.*

¶ Damoiselle combien que navez aincoires este mariee ie vous demande se vous amiez bien parfaitement vn escuier / duquel pareillement vous fussiez bien amee lequel dueil passeriez vous plus legierement / ou se vostre amy se marioit a vne autre damoiselle ou sil morroit.

*La Damoiselle.*

¶ Certainement sire cheualier se si parfaitement lamoie comme vous dittes mieulx ameroie quil morust / que quil se remariast a vne autre de moy. Car trop dure chose me seroit apporter veoir autrui ioyr de cellui en qui iauroie du tout mis mon cuer et ma beneurete.

*Le Cheualier.*

¶ Damoiselle aincoires vueil de vous aprendre vne chose de laquelle par auenture aincoires nauez eu besoing. Cest que se vn escuier et vne damoiselle aiment lun lautre parfaitement / et il auient que vn autre escuier requist la damoiselle de son amour ie vous demande si elle le doit dire a son ami ou non.

*La Damoiselle.*

¶ Sire cheualier bien est vray que oncques de ceste chose neus affaire / mais tant vous dy que la damoiselle le doit dire a son amy voire se elle le scet sage

rrrøj

et discret autrement non. Car entre deux amans ne doit nulle rien estre celee ne aussi de femme a mari.

*Le Cheualier.*

¶ France damoiselle se ainsi fust que tenissiez loyales amours en voz mains ie vous prie que me dittes que vous en feriez.

*La Damoiselle.*

¶ Sire cheualier sachiez que sans aucun delay ie les metteroie ou cuer de mon amy. Car ailleurs ne les pourroie mieulx mettre a mon auantaige et honneur.

*Le Cheualier.*

¶ Damoiselle lequel des deux ameriez vous mieulx ou que sceussiez toutes les penseez de vostre amy ou quil sceust toutes les vostres.

*La Damoiselle.*

¶ Sire cheualier mieulx ameroie sauoir toutes les penseez de mon amy quil sceust les miennes.

*Le Cheualier.*

¶ Certes damoiselle trop mieulx ameroie sauoir celles de madame affin que ie fusse certain de lamour dont elle maimerait.

¶ Damoiselle ie vos demande laquele des deux fait mieulx a prisier ou celle qui onques nama par amours ou celle qui tout son temps a ame sans loyaute.

*La Damoiselle.*

¶ Sire cheualier ie tiens que plus fait a prisier la dame qui onques nama car selle naime et na en elle aucune des vertus damours aussi na elle le grant vice de desloyaute qui est moult a vituperer en dame.

*Le Cheualier.*

¶ Damoiselle aincoires vous demande de quoy les amans doiuent auoir plusgrant doubte ou destre escondis quant ilz prient leur dame : ou quant lottroy leur en est fait quilz ne le perdent.

*La Damoiselle.*

¶ Sire cheualier ie croy quilz ont plus grant doubte de le perdre. Car on doit plus resongnier a perdre la chose acquise que celle dont na aincoires eu la possession.

*Le Cheualier.*

¶ Damoiselle de vous conuient que aincoires saches duquel vous auez plus vse en amours / ou de semblant sans corrage / ou de cuer sans semblant.

*La Damoiselle.*

¶ Sire cheualier ie croy que ca este de semblant sans corrage / combien que ceste chose vous dy bien a regret / mais riens ne vous puis celer / car promis le vous ay.

*Le Cheualier.*

¶ Ma treshonnouree damoiselle ie vous ay demande de moult diuerses demandes ausqueles moult honnestement et sagement mauiez respondu dont trop a iamais



ne vous en sauroie remercier ne satisfaire en cas pareil ne en semblable. Si nay pour tout vostre guerdon autre gaige a vous donner que mon cuer lequel ie vous presente a tenir prisonnier a vostre obeissance. Et pour ce que point ne me enuye destre empres vous et aussi que temps auons aincoires assez de deuiser et de passer temps ie vous supplie que me vueilliez apprendre et faire sage daucunes doubtes que iay en mon cuer touchant les personnes des amans et que cest da-mours.


*La Damoiselle.*

¶ Sire cheualier trop exauchiez mon ygnorance de me donner loenge non deseruie. Car en moy na aincoires eu gaires dexperience ne de congnoissance de pluseurs choses es fais damours et ce a cause de ma tendre ionesse / mais pour ce que promis le vous auoie a mon pouoir tenu le vous ay. Si vous prie que

xl

les ayes et prisiez tant quelles valent et  
non plus et de ce que mauēz a demander  
ien responderay a mon pouoir / et sauoir  
qui nest gaires grant / si commencez  
quant il vous plaira.





### **Le Cheualier.**

Quest en amours le dart vilain  
Com plus me fiert et ie plus laim  
Que plus me bat villainement  
Plus lendure legierement.

*La Damoiselle.*

Cest faulz semblant.

*Le Cheualier.*

Aux vrays amans qui aiment hault  
Quele chose est que mieulx leur vault  
Et au besoiing plus tost leur fault.

*La Damoiselle.*

C'est beau parler.

*Le Cheualier.*

Qui est damour mere et nourrice  
Com plus est noble et plus est nice.

rlj

*La Damoiselle.*

Cest la pensee.

*Le Cheualier.*

Quele est lenseingne par dehors  
Qui plus monstre lamour du cuer.

*La Damoiselle.*

Cest muer couleur.

*Le Cheualier.*

Quest la seignourie  
Que lamant puet auoir  
Sans peur sans trichrie  
Sans ioye sans espoir.

*La Damoiselle.*

Cest estre ame quon nen scet riens.

*Le Cheualier.*

De quoy puet plusgrant bien venir  
En vie damours maintenir.

*La Damoiselle.*

Cest soy maintenir sagement.

*Le Cheualier.*

Quest en amours la courtoisie  
Moins proufitable et plus prisie.

*La Damoiselle.*

Cest estre acolez sans baisier.

*Le Cheualier.*

Qui est vne autre courtoisie  
Que nul ne rechoit qui en rie.

*La Damoiselle.*

Cest courtois escondit.

*Le Cheualier.*

Quest le moindre don quamours face  
Qui plus conforte et plus solace.

*La Damoiselle.*

Cest doulz regart.

*Le Cheualier.*

Qui fait aux fins amans ioyr  
De ce de quoy ilz ont desir.

*La Damoiselle.*

Cest courtoisie.

*Le Cheualier.*

Que fait amours long temps durer  
Et enforcer et embraser.

*La Damoiselle.*

Cest ioye et leessee.

*Le Cheualier.*

Quele chose esse qui monstre en fin  
Le faulx cuer et aussi le fin  
Car en faulx cuer lamour descroist  
Et ou fin cuer double et si croist.

*La Damoiselle.*

Cest par monstrier dangier.


*Le Cheualier.*

Par quel semblant et par quel touche  
Cognoist on sage dame en bouche.

*La Damoiselle.*

C'est par la response quelle fait.





## La Damoiselle.

¶ Sire cheualier moult de ioyeu-  
ses demandes m'auez faites aus-  
queles assez simplement et en  
brief ie vous ay respondu si me  
pardonnez que si ruidement lay  
couchie / car mieulx ne le scay.  
Et on dist en commun que qui  
fait le mieulx quil scet et quil puet on  
lui doit pardonner / or me pardonnez  
doncques et me satisfaittes a aucunes  
doubtes sur certaines demandes que  
aincoires vous vueil demander esqueles  
ie croy vous estre expert mieulx que  
ne soyons entre nous femmelettes et  
nayez en desdaing ou despit quant si  
francement vous empesche / mais au-

xlvi

tant en auez de moy quant temps et lieu  
le vous semondront.

*Le Cheualier.*

¶ Gentille damoiselle moult me plaist la  
franchise que dittes prendre et auoir sur  
moy / car bien le pouez dire et faire a  
vostre bon plaisir comme il vous pourra  
aparoir cy apres. Or commencez quant  
vous plaira et ie de mon petit sens et  
sans riens vous en celer diray a la france  
Margarite ce que en moy en est.

*La Damoiselle.*

¶ Sire cheualier ie vous demande se  
vous auiez lottroy de vostre amie destre  
dix fois en sa compaignie a vostre vo-  
lente et iamais plus ny deussiez estre se  
vous les prendriez en brief temps ou  
se vous attenderiez longuement.

*Le Cheualier.*

¶ Damoiselle sachiez que ien prenderoie  
aucunes prestement et les autres garde-



roie. Car se ie les auoie toutes prinses a vne fois ie deueroie estre dolant quant si legierement auroie despendu les biens que madame mauroit de sa grace ottroyez et ny porroie plus recouurer.

*La Damoiselle.*

¶ Sire cheualier ie vous demande se vous auiez lottroy de vostre amie de couchier auec elle par tel si quelle deust auoir sur vous vn souhait tel quil lui plairoit lequel ameriez vous mieulx ou quelle le prist a vostre couchier ou a vostre leuer.

*Le Cheualier.*

¶ Certes damoiselle mieulx ameroie quelle le preist au couchier. Car puis quelle mauroit ottroye tele grace que destre la nuit empres elle ie pourroie bien penser que son souhait ne seroit point contraire a ma volente : mais a mon auantage et honneur.

*La Damoiselle.*

¶ Sire cheualier ie vous vueil demander vne ioyeuse demande / cest le quel vous ameriez le mieulx se vous teniez vostre dame par amours en lieu secret ou quelle fust vestue des plus precieux habis du monde ou que la tenissiez nue entre deux sacs.

*Le Cheualier.*

¶ Damoiselle a ceste demande a beau choix / car trop mieulx lameroie nue entre deux sacs que vestue des plus riches draps du monde. Comme mon cuer ne desire que son gracieux corps et non ses riches habis.

*La Damoiselle.*

¶ Sire cheualier ie vous demande se vous amiez dame ou damoiselle et vn autre aussy lamast pareillement : le quel ameriez vous le mieulx : ou que veissiez lautre issir de la chambre delle quant

vous y entreriez / ou quil y entrast quant vous en ysteriez.

*Le Cheualier.*

¶ Damoiselle que lautre en yssist et que ie y entraisse. Car se ie lui veoie entrer et ien ississe iamais nauroye ioye en mon cuer tant que a elle parle auroie.

*La Damoiselle.*

¶ Sire cheualier se vostre amie estoit en prison en vne haute tour et eust tresgrant fain ie vous demande comment vous lui donneriez a la pointe dune lance deux parties de mes lun cuisant et lautre refroidant.

*Le Cheualier.*

¶ Damoiselle ie metteroie vn oeuf en vn pain chault si cuiroit lun en refroidant lautre.

*La Damoiselle.*

¶ Sire cheualier se vne damoiselle auoit toute vne nuit assiz sur vostre oreil-

l

lier : et ne leussiez touchie ne elle vous  
et elle deust lendemain estre vne rose  
ou iardin assize entre mille autres roses  
pareille aux autres / et sil le vous conue-  
nist recognoistre sur paine dauoir la  
teste trenchie ie vous demande comment  
vous la recognoisteriez.

*Le Cheualier.*

¶ Damoiselle ie la recognoisteroie a ce  
que toutes les autres roses seroient char-  
geez de la rousee du ciel et elle point.

*La Damoiselle.*

¶ Sire cheualier trop ne me sauroie saou-  
ler de voz gracieuses et sages responses /  
si vous prie que me dites quelc dame ou  
damoiselle pour estre parfaite doit estre.

*Le Cheualier.*

¶ Damoiselle sachiez que toute dame  
dhonneur doit estre humble et courtoise  
en parler et en toutes ses manieres simple  
et coye.

*La Damoiselle.*

¶ Sire cheualier aincoires vous vueil demander une ioyeuse demande a sauoir se homme marie et femme mariee ou dame de religion peuent amer par amours loyaument et sans mesprendre.

*Le Cheualier.*

¶ Certes damoiselle ie croy que oil pour tant quil ny ait aucun villain fait ne vilaine intencion ne pensee deshonneste. Car en vraie amour na aucun vice ne pechie.

*La Damoiselle.*

¶ En verite sire cheualier bien le croy et moult sagement men auez satisfait dont ie vous mercie. Mais aincoires vueil de vous sauoir plus auant comment amours se peuent longuement maintenir et par quoy.

*Le Cheualier.*

¶ Volentiers et a mon pouoir en ce vous seruiray.



**La Damoiselle.**

Du chastel damours vous demand  
Dont vient le premier fondement.

*Le Cheualier.*

De honneste plaisance.

*La Damoiselle.*

Or me nommez le maistre mur  
Qui plus le fait et fort et dur.

*Le Cheualier.*

**Cest celer sagement.**

*La Damoiselle.*

**Dittes moy qui sont les cresteaulx  
Les sayettes et les quarreaux.**

*Le Cheualier.*

Ce sont les regars attrayans.

*La Damoiselle.*

Qui est le maistre portier et garde

Qui l'entree deffent et garde.

*Le Cheualier.*

Cest dangier.

*La Damoiselle.*

Dittes moy dont qui est la clef

Qui fait le chastel deffermier.

*Le Cheualier.*

Cest prier continuelement.

*La Damoiselle.*

Nommez la sale et le manoir

Ou on puet premier ioye auoir.

*Le Cheualier.*

Cest acoller doucement.

*La Damoiselle.*

Qui est la chambre ou est le lit

Et toute ioye et tout deduit.

*Le Cheualier.*

Cest ioyssance entiere.

*La Damoiselle.*

Après la garde me nommez  
Par qui le chastel est gardez.

*Le Cheualier.*

Viure honnourablement  
Et gracieusement  
Soy vestir gentement  
Parler courtoisement  
Honnourer toute gent  
Et amer loyaument.

*La Damoiselle.*

Or deuez lennemi nommer  
Qui puet le chastel plus greuer.

*Le Cheualier.*

Eslongier sa dame longuement.

*La Damoiselle.*

De quoy fait amours courtoisie  
Moins prouffitable et plus prisie.

*Le Cheualier.*

Cest de baisier son ami.

*La Damoiselle.*

Quele est le moindre don damours



Qui plus conforte les dolours.

*Le Cheualier.*

Cest doulx regart.

*La Damoiselle.*

Quesse quamours oste des siens

Et sest la chose honneur et biens.

*Le Cheualier.*

Cest contenance.

*La Damoiselle.*

Quest le prouffit qui puet venir

De ioie damours maintenir

*Le Cheualier.*

Cest grace et honneur.

*La Damoiselle.*

Par quel assay et par quel touche

Puet mieulx sage dame esprouuer

Se cil qui la requiert damer

Laine de fin cuer ou de bouche.

*Le Cheualier.*

Cest par monstrar dangier a son amy.

*La Damoiselle.*

Quesse qui plus amans eslieue

lvj

Et plustost leur fait ioye auoir  
Et aux amans plus nuist et grieve  
Et leur fait mettre en nonchaloir.

*Le Cheualier.*

Cest richesse.


*La Damoiselle.*

Comment nomme on la maladie  
Que tant plus approche on le mire et plus  
grieve.

*Le Cheualier.*

Cest amours en cuer de leal amant.





## La Damoiselle.

¶ Certes assez ne me puis esmerueillier de vos prudentes et sages responses sire cheualier / et ne fust lheure qui approche le departement de lassemblee presente : aincoires vous traueillasse pour sauoir de vous aucunes doubtes qui souuent me traueillent lentendement / especialement se le dieu damours fist oncques aucuns commandemens a garder par ses subgez et bacelers errans en la queste damours pour plustost paruenir a sa court / et ou parfait seruice de leurs dames.

### *Le Cheualier.*

¶ Damoiselle ie vous respons et af-

lviii

ferme que si a / lesquelz sont de moult  
grant especiaute.

*La Damoiselle.*

Et combien sont ilz en nombre.

*Le Cheualier.*

Dix commandemens fait

Amours a ses sergans

Ausquelz tout cuer parfait

Doit estre obeissant.





## La Damoiselle.

¶ O sire cheualier et combien  
que aincoires fust lheure plus  
tard et que ie deusse ici arres-  
ter oultre les autres : et si vueil  
de vous oyr ces sains comman-  
demens voire et que ce soit vostre  
plaisir les me dire.

## *Le Cheualier.*

### Les Dix Commandemens damours.

Cest que lamant dorgueil soit exempt en tous temps  
La parolle ne dye qui autrui soit nuisans  
A tous soit acointables de parler et plaisans  
Et toutes villonnies soit partout escheuans  
Destre faittis et cointes doit tousiours estre engrans  
En toutes compaignies soit et liez et ioyans  
Nul villain mot ne soit hors de sa bouche yssant

lx

Soit larges et courtois aux petis et aux grans  
Et en un seul lieu soit son cuer perseuerans  
Qui ces comādemens ne garde il nest pas vrays amans  
Ne digne des grans biens damours participans.

*La Damoiselle.*

¶ Certainement bien doiuent estre hault  
exaulciez ceulx qui ces sains commande-  
mens accomplissent. Mais sire cheualier  
aincoires volentiers sauroie de vous pour  
congie prendre comment on appelleroit  
amours selles auoient perdu leur nom.

*Le Cheualier.*

¶ Damoiselle sachiez quelles auroient  
nom. Tresor dhonneur pour la plus haulte  
et parfaite chose qui soit au monde et  
qui plus fait le monde durer et continuer  
ensamble. Aincoires ay dessus mon cuer  
aucunes doubtes que auant que departons  
me conuient de vous sauoir / damoiselle  
si ne vous vueille desplaire de la paine  
que ie vous donne / et apres vostre res-

ponse ie vous promes imposer fin et ne vous plus traueillier.

*La Damoiselle.*

¶ Bien me plaist sire cheualier or demandez vostre bon plaisir.

*Le Cheualier.*

¶ Damoiselle donques ains que departons ie vous demande lequel vous ameriez le mieulx ou dentreprenré a faire mesdisans cesser de mesdire : ou vostre amy saouler de baisier.

*La Damoiselle.*

¶ Sire cheualier mieulx ameroie saouler mon amy de baisier que dentreprenre a faire cesser mesdisans de hoingnier. Car combien que raison ne lui souffeist pas de moy baisier si ne me porroit il tant anoyer que lautre.

*Le Cheualier.*

¶ Damoiselle aincoires vous demande par la foy que deuez a Dieu et a amours que

lrij

me dites se vous veistes en cest an homme  
a qui vous vouldriez requerre de son  
amour : mais que ce fust aussy honnou-  
rable chose pour vous le requerre comme  
ce seroit de lui la vostre requerre.

*La Damoiselle.*

¶ Sire cheualier sachiez que oyl car aux  
dames este laissie franct arbitre de pouoir  
eslire leur semblable en condicion et  
vertu comme a l'homme / mais vergoingne  
leur deffend.

*Le Cheualier.*

¶ Damoiselle le quel ameriez vous mieulx  
ou que vostre amy ioyst de vostre amour  
par tel si que nul ne le peust sauoir / ou  
quil nen ioyst pas mais chascun cuidast  
qu'il en ioyst.

*La Damoiselle.*

¶ Sire cheualier mieulx ameroie quil en  
ioyst et que nul nen sceust riens. Car  
toutes femmes doiuent tousiours garder



leur honneur et sur toutes choses escheuer les parolles des mesdisans.

*Le Cheualier.*

¶ Damoiselle ie vous demande se. une femme puet auoir deux amis en parfaite amour.

*La Damoiselle.*

¶ Sire cheualier sachiez que nennil neant plus quelle puet departir son cuer en deux parties / et celle qui le fait est incertaine et fait a blasmer.

*Le Cheualier.*

¶ Damoiselle ie vous demande se proesse ou hardement esmeut point cuer de dame ou damoiselle a amer par amours.

*La Damoiselle.*

¶ Certainement si fait sire cheualier. Car femme de sa propre nature desire tousiours que celui quelle entend a amer soit hardy et preux. Et aussy len dist com-

munement que couard naura ia belle amie.

*Le Cheualier.*

¶ Damoiselle ie vous prie que me dittes le pourquoy et la raison.

*La Damoiselle.*

¶ Certes sire cheualier moult volentiers/ la cause si est pour ce que la dame ou damoiselle en est plus redoubtee cremue et mieulx prisie laquelle chose desire cuer de femme. Comme delle mesmes ne soit a craindre.

*Le Cheualier.*

¶ Damoiselle ie vous demande lequel des deux vous ameriez le mieulx ou que vostre ami se lauez ou entendez auoir fust larges et courtois / ou eschars et hardis.

*La Damoiselle.*

¶ Sire cheualier mieulx ameroie quil fust larges et courtois. Car hardement ne puet longuement durer en cuer eschars pour

ce que avarice qui est un lait vice et pechie mortel ne lui laisse demourer et ie suis certaine que Dieu aime mieulx sage couardise que fol hardement et aussy fait tout honneste corrage.

*Le Cheualier.*

¶ Damoiselle ie vous demande et prie que me dites de toutes les vertus que vostre ami a laquele mieulx vous plaist. Et de tous ses vices saucuns en a lequel plus vous desplaist.

*La Damoiselle.*

¶ Sire cheualier sauue le bon aduis de celles que mieulx se congnoissent en amour que moy mieulx doit plaire loyaute en cuer damant / et desloyaute le plus desplaire.

*Le Cheualier.*

¶ Damoiselle on dit souuent en commun que amours sont pendans a la perche. En quel point sont elles lors.

*La Damoiselle.*

¶ Sire cheualier amours pendent a la perche quant lamant a mis ses bras au col de sa mie par amours sans la baisier.

*Le Cheualier.*

¶ Damoiselle quant amans font nouuelles amours que deuient les vielles.

*La Damoiselle.*

¶ Sire cheualier elles sont mises en la prison de oubly.

*Le Cheualier.*

¶ Damoiselle du quel vous plaigniez vous le plus en amours / ou de trop prier : ou de pou prier.

*La Damoiselle.*

¶ Sire cheualier de trop prier. Car de legier on sen pourroit taner.

*Le Cheualier.*

¶ Damoiselle ie vous demande lequel vous ameriez le mieulx ou que vostre ami morust pour lamour de vous / ou que morussiez pour lamour de lui.

*La Damoiselle.*

¶ Sire cheualier mieulx ameroie quil morust pour lamour de moy car se morte estoie pour lui on en feroit que moquier et se ie viuoie apres lui iauroie toute ma vie regret et souuenance de son amour.

*Le Cheualier.*

¶ Certainement damoiselle apres celle response plus ne vous vueil traueillier attendu que en ce seroie d'oppinion contraire. Car mieulx ameroie morir pour lamour de madame quelle morust pour lamour de moy et a ce y a bonne rayson. Car le reste de ma vie ne me seroit que langueur et deshonneur et mieulx vault morir a honneur que viure a honte et ainsy me seroit la vie pire que mort.






Mes dames et vous

**M**es damoiselles qui auez veu et leut cy dessus les demandes et responses amoureuses et honnestes pour entretenir en gracieuses deuises cheualiers et gentilzhommes / ie vous supplie que se aucune chose y auez trouue qui soit a vostre desplaisance que le me pardonnez : car il ne ma este possible de tout auoir retenu ce que par cy deuant ay oy et veu. Ne aussi du temps present ne puis rendre raison quelles deuises les nobles et friskes damoiselles ont enuers leurs mignons comme ie soie de leur compagnie banni pour dame viellesse a tout son fronchie visage qui mest venue audeuant pour le desplaisir de laquelle ionesse

l'rir

la fresche et enuoisie est departie de ma compaignie et a emporte de moy beaute qui moult mestoit fauorable et propice et pour laquele iestoie appelle et bien venu entre les dames. Or ne me reste doncques autre poissance que den deuiser / et aussi mettre par escript ce quen puis auoir retenu. Et pour ce que du temps passe ie me suis trouue par fortune qui ma mene en pluseurs et diuerses compaignies aussy bien en moiennes et basses destat comme nobles et hautes ie vueil maintenant reciter pluseurs demandes et adeuinailles que soloient faire les iones compaignons de mon temps aux matrones et filles es assembleez quilz faisoient es longues nuis dyuer aux seriez pour passer plus ioyeusement icelles. Et sil y a chose un pou grasse il me soit pardonne / car cest ourages et deuises de nuit.





**Sensient icelles demandes.**

¶ Vne chose fut trouuee qui oncques este nauoit / et cellui qui riens ny auoit la donna a cellui a qui cestoit.

*Response.*

¶ Ce fut le saint baptesme que saint Iehan donna a nostre sauueur Ihesucrist.

*Demande.*

Vn enfant fut parlant et vifz  
Son pere mort et enfouis  
Le pere vit et le filz non  
Or regardes par quel raison.



*Response.*

Cestui enfant estoit aueugle.

*Demande.*

Je fus nez deuant mon pere  
 Et engendrez deuant ma mere  
 Et si tuay le quart du monde  
 Aussi grant quil est a la ronde  
 Et si despucellay ma taye  
 Regardez se cest chose vraye.

*Response.*

Ce fut Kain qui tua Abel son frere.

*Demande.*

¶ Comment seruiriez vous vostre dame  
 par amours dun mes venant du cul sans  
 villonnie sur vn trenchoir de trestous  
 bois.

*Response.*

¶ Je la seruiroie dun oef sur le plat dune  
 cuignie.

*Demande.*

Iay vn ostil bel et roit  
 Une fois crombe et lautre droit  
 Vray dieu quil est bel quant il tend  
 Et si ne vault riens sil ne tend  
 Le sacque aual ie tire amont  
 Le fiers en vn trou bien parfont.

*Response.*

Cest vn arc a main.

*Demande.*

Il nest non plus gros qune puche  
 Et sen fait on bien vne amuche.

*Response.*

Cest vne fueille de colles.

*Demande.*

¶ Il nest pas plus grand que le pied dune  
 mulle et si en enchasse len bien cent  
 bestes hors de leur pasture.

*Response.*

¶ Cest vn pigne qui abat les poux des cheueulx.

*Demande.*

¶ De quoy a y le plus a Paris et si y pert le moins.

*Response.*

Ce sont les pas des gens.

*Demande.*

¶ De quel mestier a il le plus de gens a Paris.

*Response.*

De vuideurs descuelles.

*Demande.*

Dedens Paris a vne chose  
 Qui droit ou milieu est enclose  
 Qui tient le Roy de france en guerre  
 Encontre cellui dangleterre  
 Et se ne le puet nulz hors traire  
 Se tout Paris ne veult deffaire.

lxv

*Response.*

Ostez .R. de Paris ce sera Pais.

*Demande.*

¶ Quele chose est ce qui soustendroit bien cent muis de paille et si ne soustien-droit pas vne maille.

*Response.*

Cest leaue.

*Demande.*

¶ Il est la table et sy ne le mengue on mie et ens ou feu et si ne brule mie et si va en leaue et si ne noye mie.

*Response.*

Cest le soleil.

*Demande.*

Quant il est ione cest il  
Et quant il est viel cest elle.

*Response.*

Cest la lune.

*Demande.*

¶ Qui est la chose qui donne ce quelle na mie.

*Response.*

¶ Cest vne queux qui donne taillant au coutel quelle nà pas.

*Demande.*

¶ Quelle est la chose quant plus la boute len et mains y entre.

*Response.*

Cest la main qui entre en un gand.

*Demande.*

Blanc est le champ noire est la semence  
Lomme qui le semme est de tresgrant  
science.

*Response.*

¶ Cest papier et enichre et le clerc qui lescript.

*Demande.*

Comment quil viengne ne quil voit  
Il fault tenir le cul adroit.

11101

*Response.*

Cest une aiguille qu'on enfle.

*Demande.*

Entre deux iambes le vif amble  
Entre deux fesses le vif tremble  
Et quant il vient a la porte  
Son maistre busque.

*Response.*

¶ Cest vn cheualier monte sur vne ha-  
ghenee.

*Demande.*

Pourquoy becque le coq en la paille.

*Response.*

Pour ce quil ni puet mordre.

*Demande.*

¶ Quel oysel est ce qui donne lait et sy  
vole en lair.

*Response.*

Cest vne chauuesoiris.

*Demande.*

¶ Vint asne en vn pre / vint asne a lostel /

et vint asne a lestable quantes oreilles ont  
ilz quant il sont ensemble.

*Response.*

¶ Il nen a que deux car il ny a que vn  
asne.

*Demande.*

¶ Quelle chose est ce qui a les piez des-  
seure et les genoulx dessoubz.

*Response.*

¶ Cest vne femme enchainée de vif en-  
fant.

*Demande.*

Il est court et gros  
Et si na nulz os  
Et si ne voit goute  
Et quant vient ou trou  
Dedens il se bouite.

*Response.*

Cest vne taulpe.

*Demande.*

¶ Qui est la beste qui a sa teste entre ses  
iambes.

*Response.*

¶ Cest vn chat qui lesche son cul sauue  
honneur.

*Demande.*

Petitte suis ne suis pas forte  
Ne puis aler son ne me porte  
Maintes gens sont en mon dangier  
Duc conte prince et cheualier  
Et se nestoit par mon exploit  
Bien croy quilz moroient de froit.

*Response.*

Cest vne aiguille.

*Demande.*

La plus tresbelle fleur destre  
Je vous ay de si prez este  
Que se mon viz fust embrase  
Vostre barbe eusse bien brule.

*Response.*

Cest vn homme qui baisa une rose.

*Demande.*

Vne chose entra en la ville  
A .viij. piez et a six oreilles



Trois culs et aussi vne queue  
Cest vne chose bien merueilleuse.

*Response.*

¶ Ce sont deux hommes sur un cheual.

*Demande.*

Adeuines que cest quant on le boute  
il reboute  
Et quant on le sacque il degoute.

*Response.*

¶ Cest vn asperge.

*Demande.*

¶ Adeuinez qui est la chose qui fut deux  
fois nee sans baptisier et pour les pecheurs  
au feu rostie et brulee.

*Response.*

Cest vn chaçon.

*Demande.*

¶ Quele chose est ce qui oncques ne fut  
et ia ne sera et si les voiez tous les iours.

*Response.*

¶ Ce sont les dois de vostre mains que

lyrr

iamais ne seront aussi longs lun comme  
lautre.

*Demande.*

Je mis mon pied contre son pied  
Et mon ventre contre son ventre  
Et mon pendu en son fendu  
Et quant il fut ens il hallotta.

*Response.*

Cest vne huche quon euvre dune clef.

*Demande.*

¶ Il ne ot ne voit mengue né boit et qui  
le meteroit en exploit il orroit verroit  
mengeroit beuuerait et telement chan-  
teroit que le dormant esueilleroit.

*Response.*

¶ Cest vn oef car qui le metteroit couuer  
il en isteroit vn coq qui chanteroit.

*Demande.*

¶ En bois naist en pre paist femme le  
fille et feure le fait / si vole en lair comme  
vn oysel et feut en terre comme vn pour-  
cel.

*Response.*

Cest vne flesche empennee et enferree.

*Demande.*

¶ Adeuinez lequel ostil de lostel est le plus sot.

*Response.*

¶ Cest vn tamis qui donne la farine et retient pour lui le son.

*Demande.*

¶ Adeuinez qui est lostil en lostel le plus sage.

*Response.*

¶ Cest le van qui retient le pur fourment et il met hors la paille et lordure.

*Demande.*

¶ Adeuinez que cest quant on le boute par la queue il brait par le pied.

*Response.*

Cest vn molin a vent.

*Demande.*

¶ Adeuinez que cest qui nest pas si grant

lrrrij

que le pied dune geline et sen garderoit  
on bien lauoir dune roine.

*Response.*

Cest vne clef.

*Demande.*

¶ Adeuinez que cest quant il naist il  
brai / et quant il est nez il se taist.

*Response.*

¶ Cest le hault vent issant du trou sur  
quoy on siet.

*Demande.*

Seriette va par chambre  
Et si na ne pied ne iambe  
Et quant elle est hors on le nye  
Et sabruue la compaignie.

*Response.*

Cest vne vesse.

*Demande.*

De quoy a le connin plusgrant peur.

*Response.*

Cest dun homme a grise barbe.

*Demande.*

¶ Il est deux fois nez et housez et esperonnez et sa vne creste que vn chascun voit.

*Response.*

¶ Cest vn coq car il est oef premiers et puis coq apres.

*Demande.*

¶ Saluez moy cellui que iayme que ie ne cognoy point et vous le cognoissiez si ne le veistes onques.

*Response.*

¶ Cest vostre cuer que ie ne cognoy point / et vous ne le veistes onques et si le cognoissiez bien.

*Demande.*

¶ Adeuinez que cest cellui qui le vent en est ioyeux / et cellui qui lachate en est courrouchiez / et cellui qui en besoingne le met nen scet riens.

*Response.*

Cest vn luyzel.

*Demande.*

¶ Comment donneriez vòus a vostre dame par amours vne pomme au iour dhuy qui demain seroit cueillie.

*Response.*

¶ On ne cueille nulles pommes que de main.

*Demande.*

De cinquante ostez en cent  
Ilz en seront plus bel et gent  
Et si en vauldront plus dargent.

*Response.*

Faites de .l. coqs des chapons.

*Demande.*

¶ Je pense et si pourpense et penser me conuient combien celle ne mapartient qui est fille de mon tasyon et si n'est point ma tante.

*Response.*

Cest ma mere.

*Demande.*

Pour quoy vont les gens au moustier.

*Response.*

¶ Pour ce que le moustier ne puet venir a eulx.

*Demande.*

¶ Comment feroit on ce que Dieu ne puet faire.

*Response.*

¶ Ce seroit de parler a plus grant de lui ce que Dieu ne fist oncques.

*Demande.*

¶ Comment enuoyeriez vous a vostre dame par amours vn poisson de toutes eaues / en vn plat de toutes fleurs par vn homme de tous consaulx.

*Response.*

¶ Le lui enuoyeroie vn saulmon en vn plat de cire par vn prestre confesseur.

*Demande.*

Monseigneur et madame vn estre ont.

*Response.*

Ilz ont vn iardin.

lxxxvj

*Demande.*

Desquelz piez a il le plus en la riuere.

*Response.*

Des mouillez.

*Demande.*

Je vis vn cheualier  
Qui fist vn sault hier  
Et sestoit filz de iument.

*Response.*

¶ Cestoit vn cheual que hier auoie veu  
faire vn sault.

*Demande.*

¶ Je vis vn escuhier qui point nestoit  
homme.

*Response.*

Cestoit vn escu d'armes.

*Demande.*

Trois moisnes passoient  
Trois poires pendoient  
Chascun en prist vne  
Et sen demoura deux.



*Response.*

Lun des moines auoit nom Chascun.

*Demande.*

¶ Le vous demande se onques veistes le prestre surseme.

*Response.*

¶ Oyl quant il est sur vn champ nouuel seme.

*Demande.*

¶ Quelle beste est ce qui tousiours va / et iamais lieue ne fera.

*Response.*

Cest vn limacon.

*Demande.*

¶ Quele chose est ce qui a deux dos et si na que vn ventre.

*Response.*

Cest vn soufflet.

*Demande.*

¶ Quele chose est ce qui a trois piez et vne queue et si ne puet alcr auant.

lxxxviij

*Response.*

Cest vn gril.

*Demande.*

¶ Quele chose est ce qui toute iour va sur lespinotte et si ne deschire point sa cotte.

*Response.*

Cest le soleil.

*Demande.*

¶ Quele chose est ce qui a les dens sur le dos.

*Response.*

Cest vne crameillie.

*Demande.*

¶ Quest ce qui a dens sans teste et queue sans cul.

*Response.*

Cest vn rastel.

*Demande.*

¶ Deux qui couroient et dix qui les chassoient / deux qui les regardent. Et vn qui leur fait la moe.

*Response.*

¶ Ce sont deux poux qui sont ou sain dune personne et les deux yeulx les regardent. Et les dix dois qui les chassent et celui qui les tue leur fait la moe.

*Demande.*

¶ Dix tirans et quatre pendans et cul aual et cul amont. Et cul a terre beaux sire dieux que puet ce estre.

*Response.*

¶ Cest vne vache et vne femme qui le trait.

*Demande.*

¶ Quelle chose est ce qui na ne char ne os ne sang et sapelle bien les gens.

*Response.*

Cest vne cloche quant on la sonne.

*Demande.*

¶ Quesse quon iette par dessus la maison et si en retient on bien la queue.

*Response.*

Cest vn loissel de fil.

*Demande.*

¶ Quele chose est ce qui est la plusfiere du monde.

*Response.*

¶ Cest vn estront qui court au fil de leaue car il ne saresteroit point pour le pape.

*Demande.*

¶ Adeuinez quele chose fait de cest heure le plusione de Paris.

*Response.*

Il enuieillit.

*Demande.*

¶ Huy est demain ne sera mie / et a la saint lehan mengera des cherises.

*Response.*

¶ Cest vne espousee qui est pucelle et demain ne le sera pas.

*Demande.*

Iay mon poing plain de vergelettes  
Qui ne sont / ne verdes ne seches.

*Response.*

Ce sont anneaux dor en ses dois.

*Demande.*

¶ Emmy les champs a quatre soeurs qui courent aussi fort lune comme lautre et si ne peuvent rataindre lune lautre.

*Response.*

¶ Ce sont les quatre volans dun molin a vent.

*Demande.*

Moins en ya et plus poise.

*Response.*

¶ Cest le corps dun homme quant l'ame en est hors.

*Demande.*

¶ Quele chose est ce qui va et sa mere nala onques.

*Response.*

¶ Cest vn ver nourri en la feue ou en vne noix.

*Demande.*

¶ Adeuinez que cest plus est ione et plus est grant.

*Response.*

Cest vn frommage.

*Demande.*

Desqueles fueilles a il le plus au bois.

*Response.*

De celles qui ont queue.

*Demande.*

Adeuinez que cest auan piez.

*Response.*

Nennil il nen a nulz.

*Demande.*

¶ Quele chose est ce comme plus a de trous et plus poise.

*Response.*

Cest vn haubergon.

*Demande.*

¶ Quele chose est ce qui va le plus droit ou milieu du bois.

*Response.*

Cest la moele.

*Demande.*

Pourquoy va le bergier au buisson.

*Response.*

¶ Pour ce que le buisson ne puet venir a lui.

*Demande.*

¶ Qui est la chose que plus est petite et plus la redoubte on.

*Response.*

¶ Cest vne planche dessus vn parfont fosse.

*Demande.*

¶ En quele saison de lan porte loye plus plumes.

*Response.*

Cest quant le gars est dessus elle.

*Demande.*

¶ Lesqueles brebis sont ce qui plus men-  
guent ou les blanches ou les noires.

reiv

*Response.*

¶ Ce sont les blanches. Car il en est plus que de noires.

*Demande.*

¶ Cognoisteriez vous bien vn oef dune noire geline.

*Response.*

Oyl car vn oef nest pas vne geline.

*Demande.*

Veistes vous onques vn four a cheual.

*Response.*

¶ Oyl quant ie cheuauchioie par deuant vn four.

*Demande.*

¶ De quele chose est le prestre eschars aux riches et larges aux pources.

*Response.*

¶ Cest deaue benoite / car le prestre en donne pou aux riches et largement aux pources.

*Demande.*

¶ Quele chose est ce que iay / vous en



avez / les bois / les herbes / les bestes /  
 les oyseaux / et toutes les choses du  
 monde en ont et mesmes les poissons qui  
 noent.

*Response.*

Cest lombre.

*Demande.*

Qui est la plus douce plume du monde.

*Response.*

Cest celle dun estront musy.

*Demande.*

Locquette siet a la paroit  
 Se vous y metiez vostre doit  
 Sachiez que elle vous morderoit.

*Response.*

Ce sont pignes a pignier laine.

*Demande.*

Qui est la terre bureleure  
 Com plus y plut et plus est dure  
 Plus y fait chault et plus est mole  
 Et plus y vente et plus sen vole.

xcvj

*Response.*

Cest sablon.

*Demande.*

¶ Quele chose est ce dont il fault plus a vn que a deux.

*Response.*

Cest deaue en vn baing.

*Demande.*

Pourquoy sault le lieure le fosse.

*Response.*

Pour ce quil ne le puet engamber.

*Demande.*

¶ Quantes queues de vel fauldroit il pour auenir au ciel.

*Response.*

Vne seule mais quele fust longue assez.

*Demande.*

¶ Quesse qui est ars auant quil viengne au feu.

*Response.*

Cest vn arc a main.

*Demande.*

Pourquoy gist la vache ou pre.

*Response.*

Pour ce quelle ne sy puet seoir.

*Demande.*

¶ Qui est la plus large eaue du monde et la moins parfonde.

*Response.*

Cest la rousee.

*Demande.*

¶ Quele chose est ce qui est trop estroite pour vn / et bien a point pour deux / et trop large pour trois.

*Response.*

¶ Cest quant aucun a courroux au cuer il lui est trop estroit pour lui seul. Et quant il le dist a son compaignon il lui est plus apoint : mais quant le tiers le scet cest trop large.

*Demande.*

¶ Quele chose est ce quant les ennemis entrent en vne maison pour prendre

rcviiij

loste / la maison ist hors par les fenestres.

*Response.*

¶ Cest vn pescheur qui prent le poisson hors dune nasse leaue qui est la maison du poisson ist hors par les pertuis de la nasse.

*Demande.*

¶ Adeuinez que cest auant que le pere soit nez sa fille est dessus la maison.

*Response.*

¶ Cest le feu que auant quil soit alumez la fumiere qui est sa fille est au dessus de la cheminee.

*Demande.*

¶ Adeuinez que cest noiroit sur tripot et rougot lui bat le cul.

*Response.*

¶ Cest vn pot sur vn trepie et le feu dessoubz.

*Demande.*

¶ Le vis aler gens emmy les champs qui

nestoient filz ne dhombres ne de femmes.

*Response.*

Cestoient filles.

*Demande.*

¶ Mon pere et ma mere ont vn enfant et  
si nest mon frere ne ma seur.

*Response.*

Ce suis ie mesmes.

*Demande.*

Vn enfant porta ma mere  
Quen elle engendra mon pere  
Et si nest son filz ne mon frere.

*Response.*

Cest ma suer.

*Demande.*

¶ Quele femme esse qui plus a affaire que  
dix autres et si ne fait riens.

*Response.*

¶ Cest vne femme enchainte denfant et  
les autres dix ne le sont pas.

*Demande.*

¶ Quele chose est ce qui est sur sa mere /

et est en sa femme et mengue son pere.

*Response.*

¶ Cest vn prestre qui est en vne eglise  
qui est sa femme il est sur terre qui est  
sa mere et mengue Dieu qui est son pere.

*Demande.*

¶ Adeuinez que cest quant en haut monta  
son nom porta / quant il deschendi son  
nom perdi.

*Response.*

¶ Cest quant on porte son bled pour  
mouldre cest bled et quant il descent cest  
farine.

*Demande.*

¶ Adeuinez que cest ilz sont trois lun va  
et vient / lautre tourne et le tiers tire la  
langue.

*Response.*

¶ Cest vne femme qui file lune des  
mains tourne le fuiseau / lautre va et  
vient et quant elle mouille son lin elle  
tire la langue.

*Demande.*

¶ Adeuinez que cest qui pent et tent et le rouge blicque blacque qui tout droit au cul li frape se fait remouuoir chou qui est ens.

*Response.*

¶ Cest vn pot qui pent et boult / et le flambe qui au cul lui frape.

*Demande.*

¶ Quele chose est ce qui a gheule dos et barbe de char et par nuit iette vn si hault cri quil fait entrer les blans vestus ou ventre leur mere / dont iamais ne vident quilz naient mengie leur pere.

*Response.*

¶ Cest vn coq qui a bec dos / barbe de char / qui chante de nuit pour le cry duquel les blans moines se lieuent et entrent en leglise qui est le ventre de leur mere / et illec celebrent et menguent leur pere nostre sauueur Ihesus crist.

*Demande.*

Qui est la plus forte beste du monde.

*Response.*

Cest vn limechon.

*Demande.*

¶ Pourquoi se retournent les renars et les grises bestes auant quilz entrent en leurs trous.

*Response.*

¶ Pour ce quilz nont point les yeulx au cul.

*Demande.*

¶ Pourquoi a enfourner le pain ou four il ne fault nulles louches.

*Response.*

Cest pour ce quon ny voit que de geuele.

*Demande.*

Pourquoy fait on les fours dedens Bruges.

*Response.*

¶ Cest pour ce quon ne puet faire Bruges dedens les fours.



*Demande.*

¶ Pourquoi pisson par coustume contre les murs.

*Response.*

Pour ce quon ne puet pissier oultre.

*Demande.*

¶ Pourquoi nest il deffendu que viel homme nespouse iune femme.

*Response.*

¶ Pour ce quil treuve bien souuent ce quil lui fault au besoing.

*Demande.*

¶ De quoy se treuve vn poure homme le plus aise a moins despendre.

*Response.*

Cest quant il se gratte.

*Demande.*

Vn pet espousa vne vesse  
Tous deux furent nez dune fesse  
Et tant ensemble este ont  
Quilz ont engendre vn estront  
Or sont le pet et lestront mors

civ

Adeuinez en quel repaire  
La vesse prendra son douaire.

*Response.*

En vostre nez tant quelle dure.

*Demande.*

Qui est le plus priue larron qui soit.

*Response.*

Cest un monnier.

*Demande.*

¶ Pourquoi ne pugnist on point les  
monniers de larrechin.

*Response.*

¶ Pour ce que riens ne prennent son ne  
leur porte.

*Demande.*

¶ A quoy cognoist on vn vuihot dentre  
les autres hommes.

*Response.*

Il nest nul marie qui ne le soit.

*Demande.*

¶ En quele saison de lan est vn homme  
le plusparfaitement vuihot.

*Response.*

Cest quant il le cuide estre parfaitement.

*Demande.*

¶ Pourquoi pleurent les enfans quant ils sont nouueaux nez.

*Response.*

¶ Cest pour ce que leur mere nest point pucelle.

*Demande.*

¶ Quele chose est ce en lostel qui moins garde le tiers commandement de la loy.

*Response.*

¶ Cest vn huys car il euvre festes et dimences.

*Demande.*

¶ Laquele des trippieres du marchie est le moins orde.

*Response.*

Cest celle qui a le moins de trippes.

*Demande.*

¶ Pourquoi est le vent plusfroist en yuer que en este.

*Response.*

¶ Cest pour ce quil demeure dehors car  
chascun lui clot luy.

*Demande.*

Qui est le plus velu mot du psaultier.

*Response.*

Cest conculcauit.

*Demande.*

¶ Quel homme esse qui gaigne sa vie en  
reculon.

*Response.*

Cest vn cordier.

*Demande.*

De quel metal est vn estront.

*Response.*

Cest dorde touche.

*Demande.*

¶ Quele chose esse qui a poil auant que  
cuir.

*Response.*

Cest vne quenoille.

*Demande.*

Femme qui empres son mari poit  
De quatre choses le conforte.

*Response.*

Il sent / il oyt / et si en boit  
Et si scet quelle nest point morte.

*Demande.*

De quoy sert vn pet a la court.

*Response.*


¶ Il sert de huissier / de trompette / et  
de sergent a son maistres / car il va son-  
nant derriere son maistre et si ose bien  
prendre le plus hardy homme par le nez.

A ce point dist lun de mes compai-  
gnons : puis mes bonnes meres / et vous  
iones filles que le coq a chante qui est en-  
seigne de minuit affin aussy que ne soions  
rencontrez du loup garou ne des fuirolles  
qui vont de nuit / et que puissiez aler  
reposer nous prenderons de vous congie

cviij

pour ceste fois / et nous pardonnez que  
si rondement auons deuise : car il est  
mardy et le iour sent aincoires les grasses  
trippes. Mais demain ou iedy au plus  
loing nous retournerons se cest vostre  
plaisir a tout autre marchandise damours  
que auons a vendre non pas pour argent /  
mais a change lune marchandise pour  
lautre et a tant nous departismes.





Le Jeudy apres Souper

our entretenir la promesse que  
auions faite aux iones filles de  
retourner vers elles a tout nostre amou-  
reuse marchandise nous meismes a che-  
min affin aussi de oyr delles aucune  
ioyeusete pour passer les longues nuis et  
le temps plus ioyeusement que a plu-  
sieurs est moult ennuyable et desplaisant  
pour les mutacions qui se font de present  
en ces marches par deca par la premis-  
sion diuine ausqueles qui tousiours y  
penseroit iamais fin ne la cause pour-  
quoy ce se fait ne trouueroit. Si le delais-  
sons en Dieu et en sa disposicion et pen-  
sons de distribuer nostre marchandise  
en tel change que prouffiter puissent les  
deux parties en tout bien et honneur  
tant les vendeurs que les acheteurs.

cx

Nous doncques arriuez en la maison ou lassemblee de la serie se faisoit saluames la compaignie laquele nous receut assez agreablement en nous rendant nostre salut et apres que fusmes assis chascun en son entretenement : lune et la plus vielle qui autrefois auoit este ferue de la maladie de ialousie regarda sur moy qui assez estoie venus sur eage et me dist en tele maniere

Sire grison ie vous vens des sores harens.

Ie simplement demanday combien.

Elle me respondy : Ie vous ay aussi chier hors que ens.

Moy vn petit esbahy de prime face de ce priue congie et non sans cause me commencay a penser que iauoie a dire attendu que ie venoie pour vendre/ et ie fus constrains dacheter. Mais vn pou



reuenü a moy et pensant que cestoit la  
coustume des femmes de preuenir : ie  
passay assez courtoisement et lui mis  
audeuant a vente la piece contre le trou  
et lui dis

Dame ie vous vens la france ortie

Combien vault elle.

Elle picque point et fremie  
Et est plaine de ialousie  
De son amour ne vueil ie point  
Mais priez Dieu quil le vous doinst.

Tantost mes compaignons et pareille-  
ment les ioues filles commencerent a des-  
ployer leurs marchandises et vendoient  
lun a lautre pesle mesle qui en peust  
auoir si en eust / en la maniere qui sen-  
sient et que ien peus retenir et mettre  
en memoire. Car oncques puis que me  
trouuay repudie et reboute de la ma-  
trone ie neus cuer de riens vendre ne

crij

dacheter ains laissay conuenir les plus  
iones et me occuppay a escripre leurs  
ioyeux dis et esbatemens en la maniere  
qui sensieut.





## Une des Vieilles

Vendi a vn des nostres lamour  
des hommes et dist :

Gentil galant ie vous vens lamour  
des hommes

Queles sont elles.

Elles sont fausses comme escume  
Et legieres comme la plume  
Volantes comme arondele  
Et tournoyant comme chandelle  
Secretes comme la bretesche  
Et durant comme flamesche

*Vn autre dist :*

Je vous vens laue Maria  
Mon cuer est mien et nul ne la

cxiv

Et se donner ie le voloie  
Point nestes a qui le donrroie.

Je vous vens le gris cheual  
Mon cuer au vostre nest egal  
Car il aime tresloyaument  
Et le vostre tresfausement.

Je vous vens du soile lespis  
Vous me baiserez se ie ris  
Mais pour ce que ie ne ris mie  
Certes vous ne me baiserez mie.

*Dist vne bonne galoise a son amoureux :*

Je vous vens mon fuisselet  
Il ne me chault se perdu est  
Car ientens plus a bien amer  
Qua retordre ne qua filler.

Je vous vens le fuiseau dargent  
Vous auez le corps bel et gent

Le vous prie ne pensez mie  
Que le dye par flaterie.

Le vous vens la fleur du bleu glai  
Iay ame aime et aimeray  
Malgre mesdisans plains denuie  
Car en amours a douce vie.

Le vous vens le chapeau de flours  
Il fut fait par fines amours  
Mais nul ne le prengne a porter  
Se loyaument ne veut amer  
Car sachiez bien sautre le porte  
Sa couleur se change et transporte.

Le vens ce que nulz ne puet faire  
Viuant en lamoureux affaire  
Amours garder sans courochier  
Et sens de femme sans changier.

Le vous vens li milieu des yeulx  
Se il estoit et temps et lieux

**croj**

**Que fusions seulz entre nous deux  
Se vostre amour vous requeroie  
Dittes moy si vous ayde dieux  
Sans mentir se ie le auroie.**

**Dame ie vous vueil vendre  
Le gent cor doliffant  
Amours par tout son regne  
A fait crier son bant  
Que dames et pucelles  
Et tout loyal amant  
Se ayent pourueu  
De ce iour en auant  
Leurs cuers de loyaute  
Encontre faulz semblant  
Qui entre les amans  
Se va atapissant  
Parquoy de leurs propos  
Ne les voit eslongant.**

**Ie vous vens le rain dolivier  
Par dessus vu espriuier**

Qune dame y fait atachier  
Pour les fins amans espier  
Et dist quil ne sen bougera  
Iusques a dont que cilz vendra  
Qui oncques amours ne faussa.

Le vous vens la fleur girofflee  
En amours a mainte pensee  
Quant ie ne voy mon doulz ami  
Leouldroie quil fust ioy  
Si vous prie que se le veez  
Que de par moi le saluez.

Le vens la rose vermeillette  
Qui bien liroit en se feuillette  
Il trouueroit en bonne lettre  
Que damoiselle qui bien aime  
En grant deduit sa vie maine.

Le vous vens le vert papegault  
Damer loyaument ne me chault  
Car on voit tout apertement

croij

Que qui bien aime loyaument  
Il est quetif certainement.

Je vous vens le perle dore  
Amours mont dit et acuse  
Que vous auez vo temps vse  
A faire pou de loyaute  
A celles que vous auez aime.

Je vous vens lerbe qui verdoie  
Volentiers certes ameroie  
Se homme trouuer ie pouoie  
En qui ie mosaisse fier.  
Mais leur cuer fault pour pou de chose  
Pourquoy en eulx fier ne mose  
Et que ne me face mocquier.

Je vous vens de fer le clou  
Vostre amie vous aime pou  
Se vous lauez cest sans partie  
Deportez vous ent ie vous prie.

Chascun vous vent ie le voy bien  
Tene yo cuer et ie tendray le mien



Car se donne le vous auoie  
Bien croy que men repentiroye.

Le vous vens le paueillon noir  
En samblant de grant vouloir  
Se doit doloir toute sa vie  
Qui oncq neut ioye de samie  
Si me doy dont bien dolouser  
Car onques neus ioye en amer.

Le vous vens le dragon volant  
Vo simple et gracieux semblant  
De grant sens et beaute garny  
Ma si naure en regardant  
Que ie ne scay sil me feri  
Vous resemblez a laymant  
Qui le dur fer atrait a lui  
Car vous auez en soubz riant  
Par mon coste mon cuer rai.

Le vous vens le roussignoulet  
Iay veu le temps autre quil nest

err

Qui mieux valoit moins se prisoit  
Et souffissoit quon le louoit  
Or est le temps dune autre guise  
Car qui moins vault plus se prise.

Je vous vens la verde amande  
Vostre amy a vous recommande  
Et autant de salus vous mande  
Quil en porroit en vne mande  
De gouttes deaue de fontaine  
Auant que la mande fust plaine.

Je vous vens la noire pye  
Damer ne me depriez mie  
Que ie ne vous ameroie mie  
Car vous auez lueil trop gaillart  
Se mariez tost mis dune part.

Je vous vens vne panostre  
Mon cuer est mien et non pas vostre  
Et sauez vous pour quel raison  
Je lay mis en meilleur maison.

Je vous vens le cœl dun cyne  
 Amours qui mon cuer enlumine  
 De vostre bel et noble atour  
 Dont ie cesse ne ne fine  
 A vous pensser et nuit et iour  
 Car la couleur auez si fine  
 Et de toute beaute la flour  
 Vo doulz regard est medicine  
 Pour moy garir de ma langour.

Je vous vens la gente soussie  
 Elle est belle et sest iolye  
 Et moult fait le flair a loer  
 Lomme qui ioist de samie  
 Le puet honnestement porter.

Je vous vens du chesne la fueille  
 Je prie au dieu damours quil veille  
 Dedens vo cuer mettre et escripre  
 Ce que le mien pense et desire.

Je vous vens quatre pucelettes  
 Elles tissent amourettes

ccrij

Dedens vn ioly vergier  
Les roses et les violettes  
Si leur font des espeulettes  
Par dessoubz vn vert laurier  
La vient le dieu damourettes  
Sur son poing vn espriuier  
Tout cheuaucant a cloquettes  
Sur vn palefroy denglentier.

Je vous vens lerbe verdelette  
La vostre amour trop me dehette  
En autre ay mis amour parfaite  
Alez a dieu laumosne est faite.

Je vous vens la bourse de soye  
Se vous mamiez ie vous ameroie  
Mais iay trouue vo cuer si faulz  
Que ie meteray le mien en sauf  
Iusque a leste qui fera chault.

Je vous vens le noir sengler  
Je vous priasse de demourer

Sil ne feist sy bel aler  
Mais il fait bel la lune luist  
Vo baston est derriere luis  
Pour ce sil pleut emmy no court  
Il ne pleut mie tout partout.

Je vous vens le harenc blanc  
On vous montre tresbeau semblant  
Et si cuidiez que on vous aime  
Mais certes vous perdez vo paine.

Je vous vens du gay la hure  
Tel vient ceans dont on na cure  
Et tel y va et tel y vient  
Que on auroit aussi chier nient  
Et tel ny fut ne huy ne hier  
Que on y verroit volentiers.

Vn escuier vendre vous vueil  
Qui est niches et plains dorgueil  
Et si est fier et despiteux  
Et si est damer conuoiteux

**crio**

**Damoiselle ie le vous vens  
Ne le gardes gaires long temps  
Rendez le tost si ferez bien  
Car son affaire ne vault rien.**

**Dame ie vous vens la fusee  
Bien me semblez femme rusee  
Ailleurs auez escaillie noix  
A dieu vous command ie men vois.**


**A ces mos et apres tant de refus que  
auions eu avec ce aussy que tant auions  
vendu et achete damourettes que pour le  
sommeil qui suruint entre nous / ne sa-  
uions plus que dire ; preismes eongie de  
la compaignie des filles et bonnes dames /  
les remerciant du bon marchie que fait  
nous auoient et de ce aussy que si bien  
et si sec nous auoient paye. Car pour  
vn que vendu leur auions elles en auoient  
paye six. Et ainsi nous retournasmes**

chascun a sa chascune / pensant de quele  
marchandise vne autre fois nous voul-  
drions mesler / et nous fasions tous ri-  
ches en pensee. Mais en dormant nous  
perdismes tout.



## Sensieuent Autres Demandes

Qui se peuvent faire entre différentes personnes a tous propos tant de marchandises de compagnies de particions comme de sommes qui sont moult subtiles.



Le maistre dostel dun duc demande a son cuisinier Monseigneur a dit quil veult demain faire un disner ouquel il veult auoir .iiij. xx. bestes de trois manieres. Cest assauoir cerfz / lieures / et connins / et se ne veult despendre que quatre liures en tout. Le cuisinier a trouue cerfz pour .ij. solz la piece. Lieures pour .xviij. deniers la piece : et connins pour .vj. deniers la piece. Assauoir quantes pieces il lui fault de chascune.



*Response.*

¶ Il y fault .ij. lieures .iiij. cerfz et .lxxiiij. connins.

*Demande.*

¶ Item il fault pour ce disner .xxx. oy-seaux. Assauoir cailles perdris et malars tout pour .xxx. deniers. Et on treuve cailles pour vne maille la piece : perdris pour .ij. deniers maille / et malars pour .iiij. deniers. Assauoir combien il en fault de chascune.

*Response.*

¶ Il lui fault .xxiiij. cailles .v. perdris et deux malars.

*Demande.*

¶ Ilz sont .xij. que cheualiers que escuiers et que damoiselles qui ont onze pains a partir et doit auoir chascun cheualier deux pains chascun escuier la quart dun pain et chascune damoiselle la moitié dun pain. Assauoir quans cheualiers

ccxviii

quans escuiers et quantes damoiselles ilz sont.

*Response.*

¶ Ils sont .v. cheualiers .vj. escuiers / et vne damoiselle.

*Demande.*

¶ Trois marchans de vins ont baille en garde a vn varlet .xij. tonneaux plains de vin. Le varlet en a fait si maise garde que les .iiij. tonneaux sont vuys : et les autres quatre sont demy plains : et les autres .iiij. sont plains. Comment donneriez vous a chascun des marchans autant de vin et de tonneaux a lun comme a lautre sans remuer le vin de tonnel a autre.

*Response.*

¶ Je donneroie a lun des marchans deux plains tonneaux et deux vuys. Au second marchand pareillement. Et au tiers les quatre tonneaux a moitie vuys.

*Demande.*

¶ Vn homme entra en vn iardin ouquel il cueilla toutes les pommes quil trouua. En ce iardin estoient trois gardes. A son retour le premier deulx vint a lui et lui dist qui lui bailast les deux pars des pommes quil auoit cueilliez. Et cil les lui bailla. Apres vint la seconde garde qui lui demanda. Baillie moy dist il la tierce partie des pommes que tu as et il tantost les lui bailla. Vint en apres la tierce garde et lui demanda la moitie des pommes qui lui estoient demoureez. Et cil les deliura incontinent. Et toutes-fois quant il fut hors du iardin il lui en demoura aincoires vne. Or est assa- uoir quel nombre il en cueilla ou iardin.

*Response.*

¶ Il en cueilla neuf et non plus.

*Demande.*

¶ Ilz sont deux pastoureaux qui gardent

cxix

leurs brebis ensemble. Desquelz lun dist a son compaignon. Mon amy donne moy lune de tes brebis si en auray autant que tu as. Lautre lui respondi prestement. Mais toy donne moy lune des tiennes si en aurai deux fois autant comme tu en as. Assauoir est quantes chascun en auoit.

*Response.*

¶ Lun en auoit .v. et lautre .vij.

*Demande.*

¶ Compaignons estoient assis au disner il suruint aucun qui leur dist. Dieux garde ceste compaignie et fussiez vn cent. Lun des compaignons respondy. Nous ne sommes pas cent. Mais se nous estions aincoires autant que nous sommes / et la moitie dautant / et le quart dautant et toy avec lors serions nous vn cent tout apoint. Assauoir quans ilz estoient assis au disner.

*Response.*

¶ Ilz estoient eulx .xxxvj.

*Demande.*

¶ Ilz sont douze personnes de quatre manieres destas / assauoir cheualier / et escuiers / hommes / et femmes / tous assis a table ou ilz ont despendu tous ensemble .xij. deniers desquelz les cheualiers sont a vn blanc / les escuiers a deux deniers les hommes a vne maille : et les femmes a vne mitte. Le vous demande quans ilz sont de chascun estat.

*Response.*

¶ Ilz estoient vn cheualier : deux escuiers : sept hommes et deux femmes.

*Demande.*

¶ Vn marchand ala nagaires en marchandise et mist tout son argent en icelle : duquel il multiplia a moitie. Il ala en la tauerne : et illec despendy .vj. deniers.

cxix

Lendemain remist le residu de son argent en marchandise / ou il prouffita comme deuant et pareillement en despendy .vj. deniers. La tierce fois il retourna aincoires en marchandise / et de rechief doubla son argent puis ala en la tauerne ou il despendy aincoires .vj. deniers. Apres le quel escot paye il ne lui demoura ne principal ne gaing. Le vous demande combien il auoit d'argent au commencement de sa marchandise.

*Response.*

¶ Il auoit tout apoint .v. deniers et vne mitte.

*Demande.*

¶ Vn messagier qui chascun iour iroit cent lieues : et vn autre le sieuroit qui niroit le premier iour que vne lieue : et chascun iour croisteroit dune autre lieue. En combien de temps ratainderoit il le premier messagier qui chemineroit les cent lieues.

*Response.*

¶ Il le ratainderoit en cent quatre vins et neuf iourneez et point deuant.

*Demande.*

¶ Vn ionencel fut iadis qui nauoit oncques sceu que cestoit de penser et on lui enseigna vne damoiselle moult sage qui lui bailleroit assez a penser. Il se mist a chemin et en sa voye encontra .xij. cheualiers a trois fois. Desquelz les quatre premiers estoient vestus de blanc. Et les quatre apres estoient vestus de vermeil. Et les quatre derreniers estoient vestus de vert. Le ionencel quant il fut paruenus a la dame : il la requist quelle lui donnast matere de penser. Et elle lui demanda sil nauoit personnie rencontre en sa voie. Il respondi quil auoit veu quatre cheualiers vestus de blanc puis autre quatre vestus de vermeil et au derrenier quatre autres vestus de verd.

cxvii

Ores dist la damoiselle ces quatre que premiers auez encontre vestus de blanc sont mes oncles de par ma mere : et les quatre vestus de vert sont mes filz et de tous les .xij. iay espouse le pere et si sont tous nez de loyal mariage. Or pensez comment ce puet estre.

*Response.*

Le ionencel moult esmerueillie commenca fort a penser sur ceste demande / mais en fin se retourna vers la damoisele et la pria quelle lui vouldist donner entendement de sa question. La damoiselle courtoise et bien aprise lui dist en ceste maniere. Ce cheualier ici present se maria a vne damoiselle vefue qui auoit vne fille : et de celle vefue sont issus ces quatre premiers cheualiers vestus de blanc puis trespasa leur mere : et tantost ce cheualier se remaria a vne autre dame vefue laquele auoit vn filz et dicelle vefue



vindrent ces quatre cheualiers vestus de vermeil. Apres ce il fist le mariage de la fille de sa premiere femme et du filz de sa seconde duquel mariage ie suis venue. Et tantost apres la femme de ce cheualier icy et mon pere et ma mere trespasserent. Cestui cheualier me prist en sa garde : et tant me nourist que moy venue en eage il me prist en mariage et engendra en moy ces quatre cheualiers vestus de verd que derrainement encontrastes : et ainsi sauez la maniere de ladeuinaille.

*Demande.*

¶ Iehan. Pierre. et Guillame ont vne botte plaine de vin qui tient .xviij. c. los. Or sont dacord que Iehan en aura plus que Pierre et Pierre plus que Guillame. Iehan y fait vne broche dont le pertuis est si apoint que en tirant icelle seule le vin seroit hors en six heures. Pierre y fait vne broche et vn pertuis

ccxxvj

par lequel tout le vin seroit hors en .ix. heures se autre pertuis ny auoit. Et Guillaume y fait vne autre broche laquelle se tiree estoit et que point dautre ny eust le vin seroit hors en .xviij. heures. Ce fait ilz apportent chascun vn vaissel des-soubz leurs broches et dun acord chascun tire sa broche a vne fois. Assauoir en quantes heures sera la botte vuide / et combien chascun aura de vin.

*Response.*

¶ Tout le vin sera hors en .iiij. heures et aura Iehan par sa broche .ix. c. los Pierre par la sienne .vj. c. et Guillaume par sa broche .iiij. c. et ainsi seront contents.

*Demande.*

¶ Trois escuiers ont dun acord achete .ix. cheuaux dont le premier cheual a couste six frans. Le second .viij. frans. Le tiers .x. frans. Le quart .xij. frans. Le .v<sup>e</sup>.

.xiiij. frans. Le .vj<sup>e</sup>. .xvj. frans. Le .vij<sup>e</sup>.  
 .xviij. frans. Le .viij<sup>e</sup>. .xx. frans. Et le .ix<sup>e</sup>.  
 .xxij. frans. Or sont les cheuaux en les-  
 table pour partir et en doit auoir chascun  
 des escuiers trois. Le marchant est venu  
 pour auoir son argent. Comment aura  
 chascun escuier trois cheuaux si esgale-  
 ment partis que chascun en soit content/  
 et que lun en paye autant que lautre / et  
 combien chascun paiera.

*Response.*

¶ Lun des escuiers aura le premier che-  
 ual le .v<sup>e</sup>. et le .ix<sup>e</sup>. Le second escuier  
 aura le tiers cheual le .iiij<sup>e</sup>. et le .viij<sup>e</sup>.  
 Et le tiers escuier aura le second che-  
 ual le .vi<sup>e</sup>. et le .vij<sup>e</sup>. Et payera chas-  
 cun escuier .xliij. frans iustement.

*Demande.*

¶ Vn preudhomme sest parti de son  
 hostel pour aler oyr messe : et a pris de  
 l'argent en sa main pour donner pour

cxviiiij

Dieu. En sa voye encontra vn pource  
homme qui lui demanda laumosne. Le  
preudhomme ouuri sa main et trouua  
quil y auoit plus la moitie dargent que  
mis ni auoit et voit bien que son argent  
est double a moitie. Si donna au premier  
pource six deniers puis passa oultre vers  
leglise et tantost il rencontra en sa voye  
vn autre pource auquel apres quil lui eust  
demande laumosne il lui cuidant donner  
ouuri sa main et vey que son argent es-  
toit double a moitie comme deuant. Lui  
donna six deniers comme il auoit fait au  
premier et garda son demourant dar-  
gent / le preudhomme passa oultre vers  
leglise et tant tost lui vint audenant le  
tiers pource qui comme les autres lui de-  
manda laumosne. Et quant il ouuri sa  
main il trouua son argent double sem-  
blablement comme les autres fois si donna  
a ce pource six deniers et lors ne lui de-  
moura plus dargent en sa main. Or est

cccc

assaouvoir combien d'argent auoit le preudhomme quant il se parti de sa maison.

*Response.*

¶ Le preudhomme auoit .v. deniers et vne mite quant il vint au premier pource et lors son argent doubra si eut .x. deniers et maille dont il lui donna les .vj. deniers et ainsi ne lui demoura que quatre deniers et maille. Et quant il doubra pour le second pource il eut .ix. deniers auquel il en donna les .vj. ainsi ne lui resterent que trois qui lui doublerent pour le tiers pource auquel il les donna et ainsi ne lui demoura riens.

*Demande.*

¶ Vn preudhomme fut qui auoit .v. filz lequel en son viuant fist son testament et ordonnance derreniere. A laisne de ses filz donna vn denier et la .vj<sup>e</sup>. partie de tout son auoir. Au second filz donna deux deniers et la .vj<sup>e</sup>. partie de tout son

cxl

auoir. Au tiers filz il donna trois deniers et la .vj<sup>e</sup>. partie du demourant. Au quart filz donna quatre deniers et la .vj<sup>e</sup>. partie de son auoir. Et au .v<sup>e</sup>. donna .v. deniers et la .vj<sup>e</sup>. partie comme aux autres. Or est assauoir combien le pere auoit vaillant : car quant la parchon fut faite chascun en eut autant lun que lautre.

*Response.*

¶ Le preudhomme auoit iustement vaillant .xxv. deniers et non plus / et chascun de ses cinq filz eut .v. deniers a parchon / comme il apperra par ce compte / le premier eut vn denier et la .vj<sup>e</sup>. partie de .xxiiij. deniers qui sont .iiij. deniers ensemble. Le second eut deux deniers Et la .vj<sup>e</sup>. partie de .xviij. qui sont trois. et le tiers filz eut trois deniers et la .vj<sup>e</sup>. partie de douze deniers qui sont deux deniers. Le quart eut quatre deniers et la .vj<sup>e</sup>. partie de .vj. deniers qui est vn. Et

ainsi reste iustement au .v<sup>e</sup>. filz .v. deniers qui demeurent et non plus.

*Demande.*

¶ Trois freres sont qui ont vne suer a marier. Dist le moyen frere au plus ione. Mon frere il nous fault marier nostre soeur ie te prie donne lui aucune chose du tien et ie te promes que ie lui donneray deux fois autant comme tu lui donneras. Le ione dist que volentiers le feroit. Lors dist laisne des freres : et ie lui donneray deux fois autant que vous deux lui donnerez. Et quant ilz lui eurent tout donne ainsy comme dit est elle eut trois deniers en tout. Or est assauoir combien chascun lui a donne.

*Response.*

¶ Le plus ione lui donna le tiers dun denier. Le second deux tiers. Et le tiers deux deniers qui sont tout apoint trois deniers.

*Demande.*

¶ Iay este au change pour changer vn flourin en menue monnoye. Et le changeur dist quil na que deux manieres de monnoye dont mon flourin vault .xxx. pieces de lune des monnoyes. Et de lautre il nen vault que .xx. pieces et ie luy ay dit que ien vueil auoir de toutes les deux manieres pour mon dit flourin. Laquele chose il ma fait. Or est assauoir quantes pieces il ma baillie de la monnoye de .xxx. et quantes de la monnoye de .xx.

*Response.*

¶ Il vous a baille .xxj. pieces de la monnoye de .xxx. et .vi. pieces de la monnoye de .xx. et ainsy auez vous le vostre et deuez estre content.

*Vne autre demande que fait le pere a son filz.*

¶ Beau filz se tu auoies avec ton eage aincoires deux eages comme tu as / et la



moitie dun tel eage comme le tien : auec le quart de ton eage / quans ans cuideroies tu auoir.

*Response.*

¶ Mon pere sachiez que ie auroie cent ans iustement et non plus car iay deage .xxvj. ans et .viij. mois. Et se vous le multiplies par la maniere dite vous en trouuerez .Cent.

*Demande.*

¶ Vn arbalestrier a trait vne vire si longue et dune si fort arbalestre que la moitie de la vire est outre le bersail : et la tierce partie est dedens le bersail : et aincoires est demoure dicelle vire .iiij. poulces et demi au lez deuers le trait. Assauoir combien ladicte vire a de long.

*Response.*

¶ La vire a de long .xxvij. poulces iustement : dont les .xiiij. et demy ont passe le bersail / et les .ix. poulces sont dedens

cxlii

le bersail et .iiij. poulces et demy qui sont apoint .xxvij.

*Demande.*

¶ Il y a vne place deuant vne eglise en vn village laquelle est tenue de .iiij. seigneurs. Et quiconques se combat en icelle il fourfait .lx. solz damende a partir aux .iiij. seigneurs. Dont lun diceulx a le tiers : le second la quarte partie le tiers ya la quinte partie / et lautre la .vj<sup>e</sup>. partie. Or est aduenue que vn malfaiteur a fourfait icelle amende et payee au receueur commis a ce par lesdits seigneurs. Le receueur vient a ses maistres pour les paier : et dist au premier tenez monseigneur vela .xx. solz pour vostre tiers. Puis dist au second. Monseigneur vous deuez auoir vn quart qui sont .xv. solz tenez les vela. Au tiers dist sire vous deuez auoir vn quint / qui est .xij. solz / et au quart dist tenez vela

pour vous. vj<sup>e</sup>. .x. solz. Les seigneurs chascun bien contens de sa portion se departent et toutesfois en demeure au receueur trois solz.

*Demande.*

¶ Nagaires estoient logiez gens darmes en vn village ou point de vin nauoit. Si enuoierent leur hoste a vn autre village pres dillec ou il en y auoit pour en rapporter quatre los. Le bon homme auoit deux bouteilles lune de .v. los et lautre de trois los lesquelles il prist et sen ala. En son chemin rencontra vn sien voisin qui venoit du vin atout vne bouteille tenant .viij. los plaine de vin et plus nauoit demoure de vin en la tauerne. Pourquoi le bon homme pria tant icellui son voisin quil lui ottroy la moitie de son vin. Or sont moult empeschiez comment ilz le porront iustement mesurer sans auoir autre mesure.

*Response.*

¶ Premièrement ilz emplirent la bouteille de trois los. Et dicelle le ietterent en celle de .v. puis de rechief emplirent celle de trois et aincoires la ietterent en celle de .v. dont il en demoura vn lot en celle de trois. Puis vuiderent celle de .v. en celle de .viij. et mirent le lot de celle de trois qui demouree y estoit en celle de .v. et remplirent celle de trois. Et ainsy en eut quatre los iustement sans autre mesure.

Cy finissent

**Les Adenineaux Amoureux.**

FAIT SVR L'IMPRIME  
A BRUGES  
PAR COLARD MANSION.













